

BOITSEBIŠO

鳩 ...ge re bala Lentšu. Go gopola, ka morago ga tirelo ye
morago ga sekgalela se, ka kgonagalo le tla ya morago go
dikereke tſa lena, bakeng sa tirelo ya boſego. Ke tla leka go tſwa
ka pela gore le kgone go dira bjalo.

² Theetſang. Ge nkabe ke le ka toropongkgolo ye, tikologong,
ke be ke tla tsenela dikereke tſe—tſe mo. Ka kgonthe ke be ke tla
dira. Ga ke e bolele... Ga se ba ke ba mpotſa go bolela se. Go
na le monna yo mokaone, baneſu ba kgonthe. Gomme ka gona
yo mongwe le yo mongwe wa lena yo a amogetſego Kriste, ge ba
se ba hwetſa leina la gago, gobaneng o sa ba nyake, bakeng sa
kolobetſo ya Bokriste, le go ba dumelela go go etapele go ya go
kolobetſo ya Moya wo Mokgethwa.

³ Ge o se ne kereke, o swanetſe; o a bona, o tla hwa, semoyeng,
o tla no timelela. Gomme ge o se ne kereke, gobaneng o sa ye le
go bolela le bona, ba tla thaba go go thuſa. Bona ke—bona ke—
bona ke baneſu ka go Kriste, gomme, bona, ba tla thaba go go
thuſa. A yeo ga se nnete, baena? [Badiredi ba re, “Nnete.”—Mor.]
Ba nno thaba kudu go le thuſa, le go le thuſa mmogo, go dira e
ka ba eng ba ka kgonago bakeng sa lena. Wa go loka, monna wa
go botega, yo mongwe yo a tla hlokamelago soulo ya gago le go
go hlokomela. Dira seo.

⁴ Gomme ge o amogetſe Kriste, gomme ba be ba sa hwetſe
leina la gago, feela felotsoko ka setulong o nno Mo amogela,
gobaneng o sa ye go bolela le bona ka kolobetſo bjale, le
kolobetſo ya Moya wo Mokgethwa? Dira seo bjale. Modimo a go
ſegofatſe.

⁵ Re nyaka go bala, morago ga sekgalela se, go tſwa go puku
ya Bafilipi, tema ya 2 ya Bafilipi. Gomme ke nyaka go thoma ka
temana ya 5.

*A nke monagano wo o be ka go lena, wo gape o bego o
le ka go Kriste Jesu:*

*Yo, a le ka sebopego sa Modimo, o naganne ga se
bohlakodi go lekana le Modimo:*

*Eupſa a itira ka boyena wa go se tsebalege, gomme a
tſeela godimo ga gagwe lebopo la mohlanka, gomme a
dirwa ka seswantſho sa batho:*

*Gomme a hwetſwa ka feſene bjalo ka motho, o
ikokobeditſe yenamong, gomme a obamela go iſa
lehung, lona lehu la ſefapano.*

*Kagona Modimo gape o mo phagamiſitſe gagolo,
gomme o mo file leina le le lego ka godimo ga leina le
lengwe le le lengwe:*

*Gore leineng la Jesu letolo le lengwe le le lengwe
le tla kobega, la dilo tše di lego legodimong, le dilo
lefaseng, . . . dilo ka tlase ga lefase:*

*Gomme gore leleme le lengwe le le lengwe le tla ipolela
gore Jesu ke Kriste yena Morena, go letago la Modimo
Tate wa rena.*

A re inamišeng dihlogo tša rena nakwana.

⁶ Morena wa rena, re batamela Wena bjale ka Leina le lekgethwa leo le—leo le nago le Leina la Legodimo, le lapa lohle lefaseng le bitšwago. Gomme O re boditše, mola a le fa, “Le kgopela Tate e ka ba eng ka Leina la Ka, Ke tla e fa.” Re no ba batho ba bonolo, Morena, eupša re dumela seo go ba therešo. Re dumela gore se re se kgopelago re a se amogela, gobane ge disoulo tša rena—tša rena di sa re sole, ge re se ne maikutlo a mabe a se re se dirilego, yeo ke phošo, gona re ne tiišetšo ye gore Modimo o tla re kwa. Kafao re kgopela kgaogelo, morago ga sekgalela se, bakeng sa rena bohole.

⁷ Gomme bjale ke a kgopela gore O tla fa go batheeletši ba ba letilego ba, bjale, phodišo ya motho yo mongwe le yo mongwe yo a lego ka Bogoneng bjo Bokgethwa. A nke ye e be ye nngwe ya ditirelo tše kgolokgolo tša phodišo re kilego ra ba le tšona. A nke go be le se sengwe se diregago, Morena. Ga re tsebe ka fao se tla diregago, goba ke eng gape se ka go dirwa, eupša re a rapela gore Moya wo Mokgethwa o tla ba le taolo ka morago ga sekgalela se, go phuleletša ka go pelo ye nngwe le ye nngwe le go monagano wo mongwe le wo mongwe. Bjalo ka ge re sa tšwa go bala, “A nke monagano wo o bego o le ka go Kriste o be ka go lena.” Ke a rapela, Modimo, gore bjalo ka ge re bona gore monagano ke tora ye e laolago ya sephedi ka moka, gore o a re šupetša, gomme a nke monagano wo o bego o le ka go Kriste o be ka go rena morago ga sekgalela se. Gomme ka mehla O be a dumela Lentšu. Gomme bjale a nke go be le tšhologontle ye kgolo ya Bogona bja Gagwe godimo ga rena.

⁸ Gomme ke rapelela badiredi ba, Morena, ba ba šomišanego ka kopanong ye, gore ye nngwe le ye nngwe ya kereke ya bona e tla holega ka dikholo tše kgolo bjalo tša semoya le materiale, ka baka la go ema ga bona, go leka go tliša go batho ba bona, Ebangedi, ka go mokgwa wo mongwe le wo mongwe wa therešo wo ba tsebago gore E a rerwa. Gomme ke a rapela, Tate, gore O tla ba šegofatša. Gomme a nke batho ba ba leboge, ba tseba gore—gore ba e dira bakeng sa bona le bakeng sa Ebangedi; gore a nke bona, go boweng, ba thuše le go bea magetla a bona go lebili, le go kgorometša bakeng sa Morero wo re lekago go o tliša pele lefaseng, Morena Jesu.

⁹ Bjale, Tate, re a rapela gore O tla tše Mantšu bjalo ka ge re a badile, gomme Wena o mohlatholli wa Gago Mong, kafao re a rapela gore O tla Le hlatholla go dipelo tša rena lehono.

Gomme ge re tloga, lehono, a nke re bolele bjalo ka bale ba tšwago Emause, “A dipelo tša rena ga se tša swa ka gare ga rena, ge A be a bolela le rena mmogo tseleng?”

¹⁰ Ba šegofatše, Modimo, ohle masea a a go tswalwa-leswa ao a sa tšwago go tla go Wena. Ke a rapela, ka tsela ya bona ye nnyane ye boleta, gore ba tla fepša ka maswi a go hlokoſala a Ebangedi, gore ba tla golela ka go dihlwadieme tše kgolo tša Kriste, gore ba be diboleledi le bahlanka ba Gagwe ba mmakgonthe, go Mo direla ka go lebaka le legolo le la moriti leo bjale re phelago, ka go Dietša tša mantšiboa. E fe, Tate. Re kgopela se Leineng la Jesu. Amene.

Le ka dula.

¹¹ [Kgaetšedi o bolela ka leleme le lengwe. Ga go selo go theipi. Ngwanešu o fa tlhathollo—Mor.] Amene. Amene. Ke a nagana molaetša o tla ba go homotša bakgethwa, le go phagamiša... go tutuetša basokologi ba baswa go tla kgauswi le Modimo le go tšwelapele ka Tumelo. A go lebogwe Modimo.

¹² Bjale ke nyaka go tšea thuto ye lebakana. Re na le, re ka se kgone go bolela eupša lebakana le lennyane feela, gobane re ne e ka ba dikarata tša thapelo tše makgolotlhano ntle, gomme bohle ba swanetše go rapelelwā.

¹³ Kafao bjale ke dira se gore se ke se thuše. Ke a makala ge eba segalontšu sa ka ga se ne mmalewaneng. A le kgona go nkwa moragorago ka morago, go lokile? E no kwagala go nna boka e tabogela morago fa. Gomme bošegong bja go feta, go direng pitšo ya aletara, Ke naganne gore seo mohlomongwe ke lebakala le batho ba sa kgonego go kwešiša, gore e bile le mmalewaneng.

¹⁴ Bjale ke nyaka go tšea thuto ye morago ga sekgalela se: *Boitsebišo*.

¹⁵ Bjale, mang kapa mang, yo a swanetšego go ba, re phela ka matšatsing a ge boitsebišo bo nyakega. O ka se kgone, ntle le ge o tsebja mo pankeng, o ka se kgone go kheša tšheke ya gago ntle le ge o na le se sengwe go itsebiša wenamong.

¹⁶ Ke a tseba, mosadimogatša wa ka, ga a kgone go kheša tšheke. Go le bjalo, ge re hwetša tšheke ya rena, re e bea ka pankeng. Eupša ga a e kheše, ka gore ga a ottele, ga a na le nomoro ya tšhireletšo ya leago goba selo go itsebiša ka boyena, kafao kagona ke selo se sethata go yena go kheša tšheke. O swanetše go ba boitsebišo bja semmušo, gomme ke nagana gore e no ba nako yeo ye re phelago ka go yona.

¹⁷ Ge le ka hlokomela, ge o eya kerekeng ye e itšego ya kerekeleina, bjalo ka Methodist, Presbyterian, Lutheran, goba se sengwe, o swanetše go ba le se sengwe go itsebiša wenamong ge eba o ya go bolela. O swanetše go ba le ditshwanelego, goba karata, goba karata ya kopanelo, goba se sengwe go itsebiša wenamong bjalo ka moo ba tsebagoo moo o tšwago le se o yago

go se bolela mo sefaleng. O swanetše go tsebagatšwa. Gomme—gomme ke lebaka la go tsebagatša.

¹⁸ Bjale sohle se se diregago ka tlhagong e no ba sekai se se yago pele ka semoyeng. Gape rena, Kereke ya Bokriste ka Boyona, yeo e sego ya kerekela, eupša ya Tlhago. Ke Mmele wa semaka wa Kriste, gomme O a tsebagatšwa, le wona. O bea boitsebišo. Jesu o itsebagaditše Yenamong.

¹⁹ Gomme bjale re ya go bolela morago ga sekgalela se godimo ga boitsebišo, ka moanegwa wa Beibele. Re ya go, goba go tsebagatša seemo sa rena sa bjale, le ka baanegwa ba Beibele, ba mabaka a mangwe.

²⁰ Bjale, re a makala nako ye nngwe se—se re tla lebegago boka sona ge re ka leka go lebelela ka seiponeng le go bona se re bogegago boka sona. E nkgopotša kanegelo ye nnyane ke e kwelego nako ye nngwe, ya lapa leo le phetšego moragorago ka Kentucky, moo ke tšwago, moragorago ka nageng ya thaba moo go lego . . .

²¹ Gabotse, makgolo wa ka o phetše go ba lekgolo le lesome la mengwaga bogolo, gomme ga se nke a ke a bona eupša sefatanaga se tee, le go e tliša go tšwa go kereiti ya kgale, godimo moo ke tlišitšego ya ka godimo, go nyakile go ba diiri tše seswai go ya e ka ba dimaele tše nne; ba bea dikota ka nokaneng, le dilo, go e tliša go kgabaganya. Ga se a ke a bona se—se—se setimela, goba eng kapa eng sa kgale go lekanela. Ge a hlokofala, mengwaga ya go feta, o eletšwe polao ya Mopresidente Lincoln, gomme o phetše go ba lekgolo le lesome la mengwaga bogolo.

²² Gomme ke a thanka ga se a ke a ba le dipara tše tharo goba tše nne tša dieta, bophelo bjhohle bja gagwe. Gomme ke kgona go no bona mehlala ye mennyaney a kgale bjale, boka thereke ye nnyane ya phaga e eya godimo sedibeng, mosong pele ga seetša sa letšatši; ka kgameloye kgolo ya kgale ya mosetara, ka mekgoko, mokgoko wa mphiri godimo ga yona, go ga meetse, go tla fase go dira go apea ga gagwe. O dutše ka maoto a gagwe a mannyane ntle, pele ga sebeso sa kgale, ka mokgwa wola, manga a magolo, gomme ona a etšwa madi ka kua.

²³ Eupša ge a hlokofala, o beile matsogo a gagwe go ntikologa, ke mo swere ka matsogong a ka gomme ka lla, ke mo rapelela ka mokgwa wo. Mantšu a mafelelo ke mo kwelego a bolela, e bile, “Modimo a šegofatše soulo ya gago ye nnyane bjale le go ya go ile.” Ke be ke sa no ba mošemaney nako yeo. Eupša o tsebile Kriste bjalo ka Mopholosi wa gagwe, eupša ba be ba se ne bontši kudu bja diphahlo tša lefase.

²⁴ Kafao go tšwa go kanegelo ye go tla ye, gore batho ba ga se nke ba kgona go fihlelela galase ya go lebelela. Ba be ba se na le e tee, gomme tate o be a no ba le seripa sa—sa seipone a bego a se kokotetše godimo ga mohlare, go beola, ka ntle. Ba be ba na le mošemaney yo monnyane, gomme o be a . . . seripa se sennyane se

sa seipone, gobaneng, o be a se a ke a kgona go—go fihla godimo mo e bego e le gona, go ipona yenamong. Kafao o tlide go etela ka toropongkgolo le yo mongwe wa dikgaetšedi tša mmagwe yo a nyetšego mo—mo monna yo a tlidego Indiana, gomme ka gona ba be ba phela ntle kua. Ka fao ba be ba na le legae, ka moka ba be... .

²⁵ Legae la fešene ya kgale, le be le eba, ba be ba na le seipone sa go tlala godimo ga mojako, nako ye nngwe, ge a be a eya ka go—ka go—ka go diphapošiborobalelo. Ga ke tsebe ge eba yo mongwe wa lena o elelwa yona mejako ya kgale, goba aowa, yeo e bilego le seipone sa go tlala mojako botelele godimo le fase.

²⁶ Kafao mošemane yo monnyane, o fihlile ntlong ya rakgadi wa gagwe, gomme o be a kitima gohle boka mošemane e ka ba ofe yo monnyane a ka dirago, gomme—gomme ba mo etše hloko. Gomme o—o thomile go—go sepela go rotoga materapo. Gomme, bjalo ka ge a dirile, mo hlogong ya materapo, ge a be a batamela kgauswi le hlogo ya materapo, o thomile go bona mošemane yo mongwe yo monnyane a tšwelela. Gomme o eme le go lebelela go mošemane yo monnyane. Nnete, e be e le... O mo šišiditše, gomme o šišintše morago go yena. Gomme o tšwetšepele a batamela kgauswi le kgauswi, a šeditše moisa yo monnyane. Selo sa pele, o obeleditše seatla sa gagwe ntle. O lebeletše tikologong. Batswadi ba gagwe ba be ba mmogetše, ka gore o be a se a ke a bona seipone pele. O rile, “Gabotse, yoo ke nna.”

²⁷ Kafao ke no makala, lehono, ge re ka se kgone go lebelela ka Beibeleng, le go re, “Yoo ke nna,” bjalo ka ge re makala ke ofe a lego, ke semelo sefe ka Beibeleng re tla lebegago bjalo ka sona. Gomme a re nong go tsea yeo bakeng sa sehlogo se sennyane bjale gomme re dule le yona nakwana. Gomme ge re lebelela ka go Lentšu la Modimo, a re itsebišeng renabeng, ka gore O fa ba bangwe ka kua bakeng sa mehlala ya se re lego sona. Bjale elelwang gore Modimo o tsea Moya wa Gagwe... goba o tsea motho wa Gagwe, eupša e sego Moya wa Gagwe; Sathane o tsea motho wa gagwe, eupša e sego moyo wa gagwe. Kafao a re boneng ge re ka kgona go tsebagatša seemo sa rena sa bjale le baanegwa ba Beibele. Bjale, bona, Beibele e rile, “Ka moka dilo tseo di diregile, morago ka matšatšing ale, mohlala wa rena.” Ke mehlala ya rena.

²⁸ Semelo sa rena se re kgoloka go seswantšho sa se re lego sona, semelo sa bophelo bja rena bjo bo lego ka go rena.

²⁹ Bjale tsea hlaku ye nnyane ya bophelo, gomme ge e le—ge e le hlaku ya—ya nonyana, e tla tšweletša nonyana. Gomme ge hlaku ya—ya korong, e tla tšweletša korong. Hlaku ya lehea, e tla tšweletša lehea. Le a bona, bophelo bjo bo lego ka go yona bo bopa semelo sa yona.

³⁰ Ka gona re hwetša selo se se swanago, bjalo ka bophelo bja kankere. Le a bona, hlaku, hlaku ya kankere, e bopa kankere. Ke bophelo bjo bobe. Bophelo bja sešo bo tla kgoloka sešo, go ya pele.

³¹ Le a bona, rena, dimelo tša rena di kgolokilwe ka se se lego ka gare ga rena, gomme bokantle bja rena bo hlagiša feela se se lego ka gare. Se re lego, ka fao re sepelago, ga go kgathale se re se bolelago, bophelo bja rena bo bolela kudukudu go feta mantšu a rena a dira.

Ge re ka re, “Ke nna modumedi ka go Modimo.”

Gomme ke tla re, “Gabotse, a o dumela Beibebe yohle?”

³² “Gabotse, ga ke tsebe.” Gona, le a bona, dipounama tša gago—tša gago—tša gago, tšona tša gago... bophelo bja gago bo bolela kudukudu gona go feta se mantšu a gago a tla bago.

³³ Ge o re, “Ke nna Mokriste. Ga ke dumele go direng... gomme ke dumela tšohle tše Modimo a di boletšego ke Therešo.” Morago wa phela mohuta e ka ba ofe wa bophelo ka morago ga fao? Le a bona, bophelo bja gago—bja gago bo bolela kudukudu go feta se bopaki bja gago bo se dirago.

³⁴ Gomme, le a tseba, seo ke se sengwe sa tšhitio ye kgolokgolo yeo Kereke ya Modimo e nago le yona. Segatamorokwana, lekempolara, bona batho ba... bohole re—re tseba tsela ye ba e lebilego, gomme ba a tseba, bonabeng. Eupša moisa yo a ipolelago go ba Mokriste, mosadi yo a ipolelago go ba Mokriste, gomme morago o phela se sengwe sa go fapania, ke kotanatšhitio ye kgolokgolo yeo lefase la ka ntle le nago nayo, yeo—yeo—yeo e lego ka lefaseng la ka ntla, kae kapa kae. Go befile kudu go feta e ka ba eng lefase le ka kgonago go e tšweletša, ke motho yo a swanetšego go ba Mokriste gomme ka gona a phela se sengwe gape go fapania le seo. A aketša, a utswa, a radia, le go dira dilo tše a sega a swanelia go di dira, ke go nyatsiša go bopaki bja gagwe ge o tsea batho bao ba dirago dilo tsela fale. Gomme bona ke bona... Semelo sa rena se kgolokilwe ka kua ke bophelo bjo bo lego ka go rena.

³⁵ Bjale re tla re, “Jesu o tlile go phološa seo se bego se lahlegile.” Seo ke se A se dirilego. Gomme bjale go ile gwa swanelia go ba se sengwe go phološa balahlegi ba, kafao e ile ya swanelia go ba semelo sa go fapania go feta seo se bego se lahlegile. Kafao re hwetša nako yeo, ge Modimo a lebeletše fase godimo ga tlholo ye ya Gagwe, gore O be a dirile godimo ga... ba Gagwe... baanegwa ba lefase le; Semelo sa Gagwe sa go rata, ka Boyena, o ile a kgolokwa ka go Motho wa Jesu Kriste, go ba Mophološi wa lefase. O... Se se dirilwe gore A kgone go lefa kotlo bakeng sa lehu bakeng sa rena, le go re lopolla. Ka kgonthe e phethagaditše Johane 3:16, le a bona, gore “Modimo,” ga go motho yo mongwe a ka kgonago go e dira. Jesu o be a ka se kgone go ba yo mongwe gape. Go be go se semelo se sengwe kae kapa

kae se ka bego se tšweleditše Motho yo mobjalo bjalo ka Jesu Kriste, eupša Modimo ka Boyena.

³⁶ Bjale go be go se selo Legodimong, seo se ka bego se kgone go be se e dirile. Le a tseba, Johane o lebeletše ka go pu-pu Puku fale, Beibele, re hwetsa gore o bone go be go se yo motee godimo ga lefase yo a bego a ne maswanedi go tšea Puku, Puku ya Topollo, gomme go be go se motho Legodimong a nago maswanedi. Ga go yo a bego a le ka tlase ga lefase, goba e ka ba kae, a bego a kgona goba a ne maswanedi go tšea Puku, go tlemolla Mahuto, goba ebole go E lebelela. Gomme o llile, gobane ka go Puku ye go be go le Puku ya Topollo, leina la gagwe mong le be le ka fale, gomme ga go yo a bilego le maswanedi.

³⁷ Gomme ka gona yo mongwe wa bagolo o rile, “Se boife, gobane Tau ya Leloko la Juda e hlotše, gomme O ne maswanedi.”

³⁸ Johane o lebeletše nako yeo go bona ta-ta Tau, gomme o bone Kwana, gomme e swanetše go ba e be e le Kwana ye e bolailwego. E be e le Kwana ya madi. O rile E be e tletše madi, ka gore, “E be e le Kwana ye e bego e hlabilwe.” Gomme kwana ye e hlabilwego e thankgetše madi, ka mnete. “Gomme e hlabilwe go tloga motheong wa lefase. O tlide gomme a tšea Puku.” Go be go se yo mongwe gape a bego a ka kgona go e dira.

³⁹ Gobane, ge o bjala e ka ba efe boka mokgomarelakgapana ka mobung... E ka ba ofe wa ba lena ba Markansas a tsebago se mokgomarelakgapana o lego. Gomme wa bea seo ka mobung, o ka se lete go buna puno ya lehea go tšwa go yona. Aowa, o ka se kgone. Kafao ge o tšere mokgomarelakgapana gomme wa o bea le... gomme wa o tswakanya le ngwang wa jimson, go le bjalo o be o ka se be le selo. Le a bona? Gomme, le a bona, ga go semelo ka fao eupša se se ka tšweletšago semelo se se swanago, bobe go bobe.

⁴⁰ Kafao go tšere se sengwe seo e bego e se se sebe, seo se kgonnego go tšweletša semelo boka Jesu Kriste. Gomme e be e le Modimo a lebeletše godimo ga tlholo ya Gagwe, le semelo sa lerato la Gagwe Mong; go boneng yola a lahlegilego, efela ka seswantšho sa Gagwe, a diretšwe letago la Gagwe. Gomme, go bona yola a lahlegile, lerato la Gagwe Mong le tšweleditše Jesu Kriste. “Modimo o ratile lefase kudu, gore A neele Morwamotswalanoši wa Gagwe.” Yoo e be e le Modimo a iponagatša ka Boyena, e sego motho yo mongwe, eupša ka Boyena ka sebopego sa mmele, go lopolla se se bego se lahlegile. Ga go makatše gore seo se swanetše go ba se be se nyamile bjang, ge Modimo a lebeletše godimo ga lefase gomme go Mo nyamišiše gore O ile a dira motho.

⁴¹ Nako ye nngwe, ke—ke swere mosetsana wa ka yo monnyane ka seatla, gomme re be re le godimo ka Cincinnati, ka serapeng sa diphoofofolo, gomme re be re eya tlase go theoga, re bogela diphoofofolo, gomme ke kwele lešata le legolo tlase ka tlase ga di—

di—di diroba fao di—di diphoofolo bjalo ka diphiri le dinkwe, le go ya pele, di bego di le. Ke sepeletše tlase kua. Gomme go be go le se segolo, seroba se segolo, oo, bogodimo boka siling ye, mohlomongwe. Gomme ba be ba sa tšo hwetša ntšhu, ye nnyane, oo, dibeke di se kae pele ga fao, go tšwa go... le go mmea setswalelelong. Ga se ka ke ka kwela moisa yola wa go šokiša bohloko. Gomme o be a tla ya morago... Ke nonyana ye kgolo, gomme mo o be a tswaleletše ka se sengwe se motho a se dirilego, o mo tanyeditše ka go se sengwe, gomme o mmeile ka serobeng.

⁴² Gomme moisa yola yo mogolo, o be a etšwa madi godimo ga hlogo, lefatla la gagwe le legolo la ntšhu, hlogo yela ye kgolo ye tšhwewu; gomme—gomme diphego tša gagwe, ohle mafofa a be a hlohlorilwe go tloga go tšona ka mokgwa woo. Gomme moisa wa go šokiša wa kgale o be a robetše ka mokokotlo wa gagwe; mahlo a gagwe, a lapile, a lebeletše tikologong. O be a tla emeleta, a sepelela morago godimo go lehlakore le lengwe la seroba, gomme a lebelela godimo go leba magodimong. Fao ke mo a tšwago.

⁴³ Ke nonyana ya legodimo. Ga go selo se ka kgonago go mo latela. Sepekwa se tla rathagana, go leka go mo latela. Ga go selo se ka latelago ntšhu yeo. Gomme o ya godimo kudu, mahlo a gagwe a bapela le pono ya gagwe, o kgora go bona se a se dirago ge a le godimo kua. Ke botse bofe e bo dirago go fihla godimo kua ge o sa tsebe se o se dirago?

⁴⁴ Ka fao Modimo o swantšha baprofeta ba Gagwe le dintšhu, tše di bonagopele dilo pele di direga.

⁴⁵ Gomme ke mo etše hloko a etšwa madi, gomme o be a tla robala ka magetla a gagwe le go lebelela godimo ka mokgwa *woo*. *Fao* ke mo a bego a le wa gona, eupša motho o be a mo tswaleletše. Ka gopola, “A ponagalo ya go šokiša!” O be a tla ya morago, gomme o be a tla fofa, a pokapokiša diphego tšela tše kgolo le go no thula hlogo ya gagwe kgahlanong le mapheko ale, le go wela morago ka lebatong gape. A robale fale, a lapile, le go lebelela tikologong ka mokgwa *wola*; a lebelela ka magodimong moo a bego a lokologile, godimo kua, ka nako e tee, gomme bjale ka serobeng.

⁴⁶ Ke eme fale gomme ke llile. Ke duma nkabe ba nthekišeditše selo, ke be ke tla mo lokolla. Go bona e ka ba eng e lhahletše! Ge seo se ka dira motho, yo a ratago tlhago, bjalo ka ge ke rata tlhago, ge—ge seo se ka dira motho go lla, go lebelela seo; gomme yeo e be e le ponagalo ya go šokiša.

⁴⁷ Eupša, oo, a nke ke le fe ponagalo ya go šokiša kudu, ke go bona banna le basadi ba ba dirilwego ka seswantšho sa Modimo, go rwala semelo sa Gagwe, go le bjalo ba beilwe ka go dilo, le go bewa ka melabang ya lefase. Go bona mohumagadi yo moswa yo mobotse a etla go theoga mokgotha, yo mo bjalo wa—wa kgonthe... wa gagwe—wa gagwe... mosadi yo mobotse

bjalo, gomme moriri wa gagwe wo mobotse o ripilwe; go bona sefahlego sa gagwe ka—ka . . . Se sebotse, sa go bopega sefahlego, ka pente ye ntši godimo ga sona, o ka se kgone go bolela gore o lebelelega bjang. Go lebega o ka re o bodile, o na le bolou ka fase ga mahlo a gagwe, le—le mahlo boka mokgaritswane, goba phiri, goba se sengwe boka seo. Gomme go mmona a apere diaparo tseo a bego a se a swanela ebile go swarwa ka go ka—ka kamoraborobalelo yenamong, ka mejako e notletšwe, a di apere, gomme ntle mokgotheng a ipealatša ka boyena ka mokgwa woo. Le go bona barwa ba Modimo, ba ba swanetšego go lemoga yoo go ba kgaetšedi wa bona, ntle mokgotheng, ba letša molodi le go leka go mo topela godimo, go mo ntšhetša ntle bakeng sa merero ye mebe. Yeo ke ponagalo ya go šokiša, go bona gore Sathane o tswaleletše moloko wa motho.

⁴⁸ Ga go selo se ka kgonago go o phološa eupša Semelo se se ka kgonago go tla bokagodimo ga ntlhora yohle ya seo. Gore, gore, go be go se selo ka go yona, gomme Seo se be se swanetše go tšwa go Mothopo wola wa go hlweka wa Ramaatlakamoka Modimo.

⁴⁹ Yo mobotse yola, mohumagadi yo monnyane yo a ka kgonago go ba wa—wa nnete, kgošigadi ye nnyane go yo mongwe yo monnyane, moreri wa go lapa, a tla ka gare le go mo tšeela godimo difarong tša gagwe, le go bea matsogo a gagwe go mo dikologa le—le go mo homotsa, ga go selo se ka tšeago lefelo leo. Yeo ke karolo ya monna. Ga go na seatla se ka go kgwathago, ge o lapile le go ngenega, eupša wa nnete yo botho, mosadi yo bonolo yo a kwišišago. Monna o tseba seo.

⁵⁰ Gomme go mmona ntle ka mokgwa woo, o ka serobeng seo Hollywood e mmeilego ka go sona. Gomme—gomme makga a mantši bona basadi ba teleima go ba Bakriste, le go opela ka dikhwaereng, eupša bohole ba hlahletšwe ka moyo woo ba sa kgonego go o bona. Ga go bohlokwa go wena go leka go e šupetša ntle, go bona, go bonala o ka re e no befabefi le go befabefi. Le a bona? Ke bona bao, Isebele wa sebjalebjale a sepela mekgotheng. Gomme o re, “Ke go fa o kwešiše, ke wa *se*, gomme ke . . .” Le a bona, go le bjalo, selo sela—sela a lego wa sona se—se mo ripile go tloga go mothopo wa Bophelo. Mola a tswetšwe go ba kgošigadi ye nnyane bakeng sa monna tsoko, goba monna tsoko yo a tswetšwego go ba mo—mo—mo morwa wa Modimo, gomme go nagana se se diregilego go bona, oo, ke selo sa go šiiša.

⁵¹ Ka gona, le a bona, Modimo o tlie fase, gomme semelo sa Modimo e be e le Kriste. Yena, Yena o be a le ponagatšo. O be a le Modimo, a dirilwe go bonagala. Hlokamelang, Modimo o dirilwe go bonagala.

⁵² “Mathomong go be go le Modimo.” O be a bile a se Modimo nako yeo. Aowa. *Modimo* ke “selo sa go rapelwa.” Selo se nnoši A bego a le sona, o be a le wa Gosafelego. Gomme ka go Yena go be go le ditholanakgopololo, gomme ditholanakgopololo tseo e be

e le dikgopololo. Gomme dikgopololo tše o tša hlagišwa go Mantšu, gomme Lentšu la dirwa go bonagala.

⁵³ Ke eng? Yohle ke Modimo, o a kgwathega, gomme o karolo ya Modimo. Gomme Jesu o tlide go lopolla bao ba bego ba beilwe godimo ga Puku ya Kwana ya Bophelo, pele ga motheo wa lefase. E be e le ka megopolong ya Modimo, gomme seo ke se A tlilego go se lopolla. Gomme bona, ka pela ge E ba ratha, ba a E bona, gobane Bophelo bo ka fale.

⁵⁴ Eupša ge Bophelo bo se ka fale, gona ba ka dira eng? Le a bona? Ga ba Bo bone. Ba ka se tsoge ba Bo bona. Le a bona?

⁵⁵ Gomme selo ka moka, bjalo ka ge Jesu a rile, “Ka letšatši leo, le tla tseba gore Ke ka go Tate, Tate ka go Nna; Nna ka go lena, gomme lena ka go Nna.” Selo ka moka ke Modimo, go ba materiale. Boka monnamogatša le mosadimogatša ba eba batee, mmogo, Modimo le Kereke ya Gagwe ba eba Batee.

⁵⁶ Bjale, go tšere se sengwe go lopolla mosadi yo a welego, a bego a kaiwa ka go Efa, ge a ewa. “Adama ga se a forwa, eupša mosadi ge a forilwe o bile ka karogong.” Adama o tsebile gore o be a dira phošo; mosadi ga se a ke. Ke ka baka leo . . .

⁵⁷ Ga ke gobatše maikutlo a lena, eupša le a tseba ka mehla ke e emetše. Ga ke dumelane le badiredi ba basadi, gobane ga gwa swanela go ba ka tsela yeo. Le a bona, ke sebjana sa mofokotšana. Bjale re hwetša gore mosadi yo o forilwe ke yo mongwe a mo tsopoletšego Lentšu, gomme a nno Le foša nthathana gannyane, gomme seo ke se se hlotšego bothata bjohle; lebaka le Paulo a rilego, “A nke a homole ka kerekeng, ga ke mo dumelele go bolela,” go ya pele. Bjale hlokamelang.

⁵⁸ Eupša, le a bona, tšohle tše di lego, e pealatša go bonagala ka sekai, boka Beibele ka moka, Modimo a etla mmogo le Mosadi yo a lopolotšwego, Monyalwa yo Modimo a bilego le yena ka monaganong wa Gagwe pele ga motheo wa lefase. Tše o be e le ditholanakgopololo tše Modimo, di pealaditšwe. Gomme bjale go dira semelo se se ka kgonago go lopolla mosadi yo, e swanetše go ba se sengwe se segolwane go mo feta, go mo lopolla. Gomme a le kile la lemoga . . . Ke—ke . . . se se ka no ba . . .

⁵⁹ Bjale bjalo ka ge ba bangwe ba banešu ba Arminian ba le, thu—thu thuto yeo e lego ya semolao, ba ka se dumelane, nno ntumelelang go no . . . Ntshwareleng bakeng sa motsotsso, nka no tšweletša se. Ge A le Molopolodi . . . ga ke bolele se go gobatše bjale, goba go ba yo a fapanego; Ga ke rere thuto, eupša a nke ke le botšišeng se sengwe.

⁶⁰ Ge A le Molopolodi, O a tla, go *lopolla* ke go “topa seo se welego,” go lopollela morago go lefelo moo se bego se le mathomong, kafao ga go yo a tla topelwago godimo eupša bona ba ba bego ba le ka dikgopolong tše Gagwe mathomong. O tla go lopolla, e sego furu ye ya kgoboketšo yeo re e bonago tikologong e ipolelago go ba Bakriste; eupša gore O tlide go lopolla, seo se bego

se le ka monaganong wa Modimo mathomong. Se sengwe se e no ba se sengwe seo se tswakanego go dikologa go bontšha seemo. Le a bona? E no ba . . . ke—ke serapa, serapa sa matšoba. Seo se bapala karolo ya sona. Eupša seemo ke se o nyakago go se bona, seemo sa Kriste, e bego e le Modimo a tšweleeditšwe lefaseng ka sebopego sa Monna. Amene! Seo ke seemo se o nyakago go se bona. Yoo ke Yena. Yo mongwe yo e no ba dikarolo tša maitirelo, le a bona.

⁶¹ Bjale, se se bonagaditše sa Gagwe sa go rata, semelo sa go hlomphega, Modimo o bonagaditše ka go Monna, yo a bitšwago Kriste. O be a le yo motee feela a bego a ka kgona go dira se. Go be go se semelo se sengwe Legodimong se bego se ka kgona go e dira, le a bona, e be e le Modimo. O be a le tlhago ya go se be le sebe. O be a le Lentšu, tlhago ya go se be le sebe ya Modimo. O be a le Lentšu le hlagišwa. Leo, Lentšu e be e le mathomo.

⁶² Gomme ge o le ka Pukung ya Kwana ya Bophelo, o be o le tlhagišo ya Modimo go tšwa monaganong wa Gagwe. O go bone gomme o bone tlhologelo ya gago, pele ebile go ka ba athomo, goba e ka ba eng gape, gomme wena o monagano wa Gagwe o dirilwe lentšu, le go hlagišwa ka go se o lego sona bjale. Amene. Yoo ke Modimo, ka go wena, a bonagatša Kriste lehono. Le tseba se ke se rago?

⁶³ Bjale, ke a holofela seo ga se tsenatsene selo, le a bona, gomme nka se nyake go bolela selo kgahlanong le se o se rutilwego.

⁶⁴ Eupša feela gore le kwešiše se ke lekago go se hwetša fa, ponagatšo, o swanetše go tsebagatšwa. Gomme ge o le, gomme o be o le ka monaganong wa Modimo mathomong, le a bona, gomme o be a le ponagatšo ya Gagwe mo lefaseng, le tla bea bohlatse bja tša Legodimong, gomme bjalo ka ge A bea bohlatse bja tša Legodimong, gape. Gomme ge A tsogile go tšwa lebitleng, gomme a filwe mmele; rena, ge re tsoga, re tla ba le mmele boka mmele wa Gagwe Mong wa letago.

⁶⁵ Tsogo ke nnete. Ke kgonthišetšo, gomme re na le netefaletšo ya yona bjale, bjalo ka ge Moya wo Mokgethwa o etla ka gare le go re tsebagatša bjalo ka motho yo a lopolotšwego wa Modimo. Amene! Ge o amogela Moya wo Mokgethwa, o tswaleletšwe go fihla leeto le fela. Seo ke Seka sa gago se o se swerego, seo se laetša gore leeto la gago—la gago le lefetšwe. Ke wena semelo sa se se lopolotšwego. Sathane ga a na le taba le wena, le ge e ka ba eng kapa eng. E no topa Seka sa gago gomme o mo laetše, “Phodišo ya ka e lefetšwe. Leeto la ka go ya Letagong le dirilwe.”

⁶⁶ Seka ke se o se šomišago go namela pese, goba sefofane. Thekethe ya gago ke sekä sa gago. Le a bona?

⁶⁷ Tšea Seka sa gago; o lopolotšwe; Tšhegofatšo, Moya wo Mokgethwa. Gomme ge Sathane a leka go kgoromeletša se sengwe godimo ga gago, e no laetša *Se*. Seo ke boitsebišo

bja gago. Amene. O tsebagatšwa ka go tsogo ya Kriste. O tsebagatšwa ka lehung la Gagwe ge o ehwa; o tsebagatšwa ka tsogong ya Gagwe. Gomme, ka seo, Se a go tsebagatša, gore o be o na le Yena pele ga motheo wa lefase, gobane o lopolotšwe, ke gore, “go tlišwa morago.” “Bohle Tate a Mphilego ba tla tla, gomme ga go motho a ka tlago ntle le ge Yena Tate a e file, le a bona, mo mathomong.”

⁶⁸ Bjale hlokomelang, O be a le wa sebe... go hloka sebe, go tše legato la sebe, thibelamalwetši. O be a se na le sebe gore A tle a lopolle badiradibe. Modimo o hlagišitšwe ka go Yena gomme ka maleba o itsebagaditše Yenamong ka go Yena. Bjale hlokomelang.

⁶⁹ O re, “Ngwanešu Branham, a o rile, ‘Modimo o itsebagaditše Yenamong’?” O dirile.

⁷⁰ Bjale, “Mathomong,” go boletše Mokgethwa Johane 1, “o be a le Lentšu, gomme Lentšu le be le le go Modimo.” Bjale Lentšu le swanetše go ba kgopolole pele e le Lentšu, ka baka la gore Lentšu ke mogopolo ge o tšweletšwa. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo,” le a bona, “e be e le Modimo. Gomme Lentšu, Lentšu, la dirwa nama gomme la dula magareng ga rena.”

⁷¹ Le tsebagatšwa bjang? Bjale Bahebере 4, le a bona, “Lentšu la Modimo ke le bogajana, le maatla kudu go feta tšoša ya magale a mabedi, le ripa go aroganya,” go ripa bobedi go tla le go ya, “go ripaganya, le mohlathi wa dikgopolole le maikešetšo a pelo.” Gomme ge A dirile seo, ke ka fao baprofeta ba tsebagaditšwego, gobane ba... Modimo o tla bolela le go ba botša feelsa se se bego se fošagetše le se se bego se direga. Le a bona? Bjoo ke boitsebišo bja Lentšu la iri, le dirwa go bonagatšwa.

⁷² O be a le bottlalo bja Lentšu la Modimo, ka gore O be a le bottlalo bja Bomodimo ka lebopo la mmele. O be a le Modimo ka sebopego sa motho, gomme go tšere Modimo go hlagiša semelo se sebjalo ka se. Gomme gona bophelo bjola bja go ratega bo ile bja swanelwa go tšewa go Yena, gore A kgone go phološa ba bao tsebelopele ya Modimo e ba bonego mo mathomong, e bego e le dikgopolole tša Gagwe tša lena le nna. Jesu o tlide go dira seo; bophelo bja Gagwe bjo bo phethagetšego bo ile bja swanelwa ke go dirwa sehlabelo, go lopolla motho yoo. Ka gona, ge ba dira, gomme o be o na le Modimo ka megopolong ya Gagwe mathomong, o ka gana bjang Lentšu la Gagwe go beng therešo, ge o le karolo ya Lentšu la Gagwe. Amene. Nnete. Ya go hlatselwa, ka maleba, go ka se kgone go ba phošo ka yona. O rile, “Ga se Nna yoo a dirago mediro, ke Tate wa Ka yoo a dulago ka go Nna.”

⁷³ Bjale re hwetša gore ka go tlhakanantswiki ye kgolo ya letšatši, batho, ka go kwešiša Modimo, “Modimo ka go batho

ba bararo?" Modimo, ke ditholanakgopolo tše tharo tša Modimo, boka diofisi tše tharo: Modimo ka godimo ga rena, ka go Moya wo Mokgethwa godimo kua, ka go Pilara ya Mollo; Modimo a dirilwe nama gomme a dula magareng ga rena, Monna yo re bego re ka kgona go mo kgwatha le go mo swara; bjale Modimo ka Kerekeng. Modimo ka godimo ga gago; Modimo le wena; Modimo ka go wena. Le a bona, Modimo wa go swana, ka go diponagatšo tše tharo tša go fapana, eupša Modimo wa go swana nako yohle.

⁷⁴ Hlokamelang, go se be diphošo. Tlhago ya Gagwe ya go se be le sebe e hlagištše Lentšu la Modimo. Gomme tsela e nnoši o ka tsogego wa kgona go hlagiša Lentšu la Modimo, gore o a Le dumela le go Le bogela le dira ka morago ga gago, o tla swanela go ba le Tlhago yela ya go hloka sebe yeo e tswago go Modimo. Pele ga go thewa ga lefase, o ile wa lemogwa le Yena. Pele Lentšu le ka tsoge la itlhagiša Lonamong ka wena, go tsea Tlhago ya go hloka sebe go dira seo.

⁷⁵ Bontši kudu, go fihla, O be a le Lentšu ka botlalo. Lentšu la Modimo le eletše ka Yena ka go lokologa gore ebile A ka bolela Lentšu, le tla hlola. Le a bona, seo se bontšhitše O be a le Mang. Ke mang a kgonago go hlola, eupša Modimo? Le a bona, Modimo ke mohlodi a nnoši a lego gona. Gomme O be a le kwanong ye e phethagetšego kudu, Yena le Lentšu ba be ba le mmogo ka go phethagala, go fihla A hlotše, ebile O bile, Yena le Lentšu go beng batee.

⁷⁶ Ga go tlhago ye nngwe e ka kgonago go dira se. Ga go tlhago ye nngwe e ka kgonago. Ga go semelo, ga go selo ka Magodimong, ga go selo gape, se ka kgonago go dira seo eupša Yena, ka gore O be a le mathomo a Semelo seo, Mophološi! Morongwa o be a se a tswalwa e le Mophološi; O be a le Sephedi se se hlotšwego go rapela Modimo, e sego Mophološi. Eupša ka go Modimo go be go le Mophološi. Monna wa mehleng yo a tswetšwego ke mosadi wa mehleng o be a ka se kgone go ba Mophološi, ka baka la gore tlhago ya gagwe ke ya nama. Eupša go tšere Modimo, Yenamong! Amene. Ke—ke a holofela le a e bona. Lebelelang, yeo e be e le tlhagišo, go bonagatša Semelo se sebjalo ka seo. Ka gore ba bangwe, e be e le semelo se se welego; ga go selo se bego se ka kgona go phološa. Barongwa ba be ba se ba hlolwa bakeng sa se sebjalo. Motho e be e le semelo se se welego. Lebelelang, monna yo a ka kgona bjang...

⁷⁷ Lebelelang, go bontšha ke bona bao A nagannego ka bona, dikgopololo tša Gagwe ke Mokriste wa lehono, dikgopololo pele ga motheo wa lefase. Bjale elelwang, "Motho, ge a tswetšwe ka sebeng, a kgolokelwa bokgopong, o tla lefaseng a bolela maaka." A yeo ke nnete? [Phuthego e re, "Amene."—Mor.] Ga go selo ka go yena le gannyane. Kafao, le a bona, ge a be a le ka dikgopolong tša Modimo ge a etla lefaseng, o tlide (ka megopolong ya Modimo mathomong) go pealatša kgopolo ya Gagwe. A le a ntatela? ["Amene."] Ka gona Jesu o tlide go thuba maru morago, gore

kgopolو yeo e kgone go ipealatša ka boyona. Amene. Yeo ke yona. Yena ke Lentšu la Modimo le le hlagišitšwego. Bjale, ga go selo gape se ka kgonago go bonagatša; dimelo tše dingwe tšohle di wele. Ka gona, le a bona, Jesu o tlie eng, go tliša morago dimelo tšela? Aowa, aowa, ba tswaletšwe sebeng, ba kgoloketšwe bokgopong.

⁷⁸ O tlie bjalo ka Molopolodi. Gomme go *lopolla* e ka ba eng, ke go “e tliša morago.” Amene. Go e tliše morago! E be e le monagano wa Modimo, wena! Nagana! Wena yo monnyane, nna yo monnyane; ga go yo motee lefaseng a ka kgonago go tšeа lefelo la ka, ga go yo motee a ka kgonago go tšeа la gago. Wena ka go ba Mokriste gomme wa tlatšwa ka Moya, Modimo, le pele ga motheo wa lefase, o go bone le go tseba tlhamego ye nngwe le ye nngwe o nago le yona, le a bona, gomme Jesu o tla go go tliša morago. Seo ke se Jesu a bego a le mo bakeng sa sona, Molopolodi, mmele wa motho, go go tliša morago. Seo se be se swanetše go tla go ba motho, bjalo ka Molopolodi, go pealatša ditholanakgopolو tša Gagwe bjalo ka Mopholoshi, go tla go go lopolla le go go tliša morago go tšwa moo o tšwago gona. O be o . . .

⁷⁹ Ge o amogela Bophelo bjo Bosafelego, go na le sebopego setee feelsa Bophelo bjo Bosafelego. Leo ke lentšu la Segerika, *Zoe*. A yeo ke nnete, ngwanešu? [Ngwanešu o re, “Ee.”—Mor.] *Zoe*, “Bophelo bja Modimo Mong.” Ka fao wena, o le morwa, o ba karolo ya Bophelo bjoo. Ka fao Bophelo bjo bo lego ka go wena ga se bja ke bja thoma gomme Bo ka se tsoge bja fela. Naganang ka yona. Bo ka se kgone go fela, gobane e ka ba eng e lego ya Gosafelego ga se nke ya thoma. Bophelo bjo bo lego ka go wena ga se bja ke bja thoma, ke gore, ge o na le Bophelo bjo Bosafelego. Gomme yoo ke Modimo, ka gore o be o le ka monaganong wa Gagwe go tšwa Gosafelego, gomme bjale o hlagišitšwe fa ka go motho, bakeng sa letago la Gagwe. Jesu o tlie go lopolla bao, a le Morwa, bottlalo bja Modimo bo ile bja swanelo go tla le go ba yoo. Semelo sa go hloka sebe sa Modimo se dirile seo, gore A ke a lopolle dikgopolو tše dingwe tše tšeо di bego di tla tla go Yena, go dira Mosadimogatša. Le bona se ke se rago? Oo, ke kanegelo ya letago! Ga re . . . ga ra swanelo go tla go yeo, golebjalo. A re yeng pele. Go lokile.

⁸⁰ Hlokamelang, “hlotšwe.” Modimo, Modimo o eletše ka Yena feelsa boka phe—phe phefo e tla elela go kgabola mo—mo moago, goba go swana le meetse a elela go theoga moela, le bile O be a na le . . . Yena le Lentšu e le Batee. Ga go semelo se sengwe se ka kgonago go e dira, ka gore O be a le Yena a nnoši yo a tswetšwego ntle le senama. Bohle ka moka ga bona e be e le kganyogo ya thobalano, ka senama. O tswetšwe ntle le tumo ya thobalano. O be a tswetšwe ke kgarebe.

⁸¹ Modimo o itsebagaditše Yenamong bjalo ka ge re le. O tšere—O tšere ngangego ya Gagwe, se A bego a le sona, ngangego ya Gagwe bjalo ka Modimo, gomme a phurulla tente ya Gagwe fase

mo gomme a ba motho. O itiretše ka Boyena tente, mmele go phela ka go wona, gomme mmele woo o tsebja bjalo ka Jesu. Modimo o be a phela ka go Kriste. Le a bona, O bile motho, gore a re phološe. Gomme O tšere sa rena godimo ga Gagwe, sebopego sa rena, gore A ke a kgoloke ka go rena semelo sa Gagwe.

⁸² Gomme semelo sa Gagwe e bile, gore, O dirile se sengwe le se sengwe seo se thabišitšego Modimo, gomme O dutše le Lentšu. Seo ke se A re nyaketšego sona, re tla dula le Lentšu la Modimo, go hwetša lefelo la rena, gomme morago ra tseba moo re bego re le. Dulang le Lentšu la Gagwe! Gomme, naganang ka yona, re laletšwa go bopela semelo sa rena beng go sa Gagwe. Bjale re ya go hwetša se re se dirilego. Go bopela semelo sa rena go sa Gagwe Mong, ka Moya wa Gagwe Mong. Ka gona rena, ka Yena, re barwa ba Modimo, feela se ke se hlagišitšego, ka go ba le monagano wa Gagwe ka go rena, go bopela semelo sa rena go sa Gagwe, monagano wa Gagwe. “A nke monagano wo o bego o le ka go Kriste o be ka go lena.” Ge monagano woo o le ka go lena, gona, le a bona . . .

⁸³ O dirile feela seo se kgahlago Modimo. O tsebile O be a le Mang. O tlie, Morwa wa Modimo. O tsebile O be a swanetše go tsea lefelo leo. Semelo sa Gagwe se be se swanetše go ba ka tsela yeo. Gomme ka gona ge Yena, a tšere lefelo le, O tsebile se Mesia a bego a se nyaka, gomme ka mehla O nyakile Modimo go dira dilo tseo, gomme a se dire selo go fihla Tate a Mmontšhitše.

⁸⁴ Bjale ge o hwetša lefelo la gago, kgaetšedi, o se ntire ke go gobatše, goba ngwanešu, eupša o tla hwetša lefelo la gago ka Lentšung, bjalo ka Mokriste. E sego se thutotumelo e se boletšego; ke tlase mo ka go mathuhu ao a yago go senywa. Le a bona, o hwetša lefelo la gago bjalo ka Mokriste, ka baka la gore semelo sa gago se kgolokilwe bjalo ka sa Kriste. Wena o Zoe go swana le ge A be a le Zoe. Gona ge Beibebe e rile go “mosadi go se ripe moriri wa gagwe,” o ka kgona bjang go e dira? E re “monna ke mmuši wa ntlo,” lena basadi le ka ba bjang? Bothata ke eng ka wena monna ba le lego barwa ba Modimo? Le a bona? Le a bona, ga le hwetša lefelo la lena. Le a bona? Šetšang bjale. Ka go . . . O laletšwa go tla le go tsea semelo sa Gagwe. Ka go ba le semelo sa Gagwe ka go wena, se go kgoloka ka go monagano wa go swana A bego a le, gomme monagano wa Gagwe ka mehla e be e le go dira se Tate a Mmeetšego go se dira.

⁸⁵ O rile, “Phetlang Lengwalo. Le paka ka Nna.” Ka mantšu a mangwe, “Ge Ke sa dire tlwa se Lengwalo le rilego Ke swanetše go se dira, gona Mpontšeng moo.”

⁸⁶ Bjale go ka reng ge Modimo a eme sefaleng lehono, gomme a rile, “Ke eng se nyakegago go Mokriste?” Gona bohle re tla ba kae? Le a bona, semelo ga se itlhagiše sonamong.

⁸⁷ Monagano wa Gagwe e be e le go dula le Lentšu la Tate. Monagano wa bona—wa bona e be e le go . . . Monagano wo o

swanago woo o bego o le ka go bona o be o swanetše go ba ka go rena. Gomme ge monagano wa Gagwe o le ka go rena, re tla dira go swana le ge A dirile. Ge semelo sa Gagwe se le ka go rena, re tla ba bjalo ka ge A bile. A yeo ke nnete? [Phuthego e re, "Amene."—Mor.] Baprofeta bohle ba bile le seo, re a tseba. Re tšere, go tšea ka Noage, ka fao a dirilego letšatšing la gagwe, Moshe, ka fao a dirilego letšatšing la Gagwe, Daniele mo letšatšing la gagwe, bana ba Bahebere, le go ya pele.

⁸⁸ Lentšu le kgoloka semelo sa Modimo go rena, gomme eng kapa eng ye e lekago go tswakana le semelo seo, e roba sebopego. O ka se kgone go hlakanya thutotumelo le Lentšu. O ka se kgone go hlakanya lefase le Lentšu. Jesu o rile, "O ka se kgone go direla Modimo le mamona." *Mamona* go ra "lefase." O ka se kgone go ba; o tee goba yo mongwe. "Ge o rata lefase, goba dilo tša lefase, lerato la Modimo ebile ga le gona ka go wena." A yeo ke therešo? [Phuthego e re, "Amene."—Mor.] Ka gona, le a bona, o ka se kgone go e hlakanya.

⁸⁹ O ka se kgone go hlakanya oli le meetse. E no se hlakane. O ka kgona go e fehla godimo le fase, wa dira eng kapa eng o nyakago, e ka se hlakane.

⁹⁰ Gomme semelo sa gago se ka se hlakane le lefase, ge o kgolokilwe ka sebopego sa Modimo, ka go dumelala monagano wo o bego o le ka go Kriste go ba ka go wena. Yeo ke tora ya taolo, tlahhlo.

⁹¹ Bjale a re lebeleleng ka seiponeng sa Modimo, Lentšu la Gagwe, gomme re tsebagatše semelo sa rena sa bjale ka moanegwa wa Beibele. Gomme re tla tswalela feela mo metsotsong e se mekae bjale. Go itsebagatša renabeng. Bjale *Le* ke seipone se o nyakago go se dira go swana le ka fao mošemané yo monnyane yola a dirilego, go lebelela ka go sona. A re lebeleleng ka go *Le* gomme re bone ge re ka kgona go ipona renabeng re bonagatšwa ka moanegwa wa Beibele. Re bone se ba se dirilego ka tlase ga maemo a itšego, le go bona se re se dirago bjale. Bjale mpeye kgauswi ka kgonthe bjale, bona se semelo sa gago sa bjale se lego bjalo ka Mokriste.

⁹² Bjale o ka kgona go ahlola. Seo se ka se dire yo mongwe go go ahlola; o ikahlola ka bowena, le a bona. Ga go yo a go ahlolago. Ga ke ahlole. Eupša a re nong go bonagatša, re bone ka fao e bonagatšago go tšwa go baanegwa ba bangwe ba Beibele, ge re ba bolela, le go bona se semelo sa gago se lego go nako ye ya bjale. Bjale hlokamelang, le—le—le Lentšu le hlola semelo, re tseba seo, bjale re lebelela ka seiponeng sa Gagwe gomme ra ikamanya ka borena ka yo mongwe—yo mongwe motho ka Beibeleng.

⁹³ Ge o phetše ka matšatšing a Noage, gomme o be o le ka go semelo sa gago sa bjale... Ge le nkwešiša, e reng, "Amene." [Phuthego e re, "Amene."—Mor.] Ge o be o phela ka matšatšing a Noage, gomme ka go semelo sa gago sa bjale, o be o tla ba

lehlakoreng lefe? Hlokomela, o a bona. Ka go semelo sa gago sa bjale; bjale nagana ka se o lego. Ge dihlopha . . . Ke sehlopha sefe o bego o tla ikamanyago le sona, ge semelo sa gago sa bjale se ka be se se phela ka matšatšing a Noage? A o ka be o bile le moprofeta le Lentšu la Modimo le le hlatsatšwego, o eme ka bonnyaneng, sehlopha se sennyane, goba le batho ba kgopolو ya go tsebalega ba letšatši lela? Semelo sefe?

⁹⁴ A o ka be o le wa dikereke, le dilo, o be o dira metlae ka moprofeta yola godimo fale? A o ka be o sepeletše godimo le sehlopha seo se ilego godimo gomme se rile, “Gabotse, ga ke ne selo kgahlanong le mokgalabje yola; a ka no ba a lokile,” goba a o ka be o le ka kua o tekogetše kgole le yena? Bjale nagana ka semelo sa gago bjale. O be o tla dira eng ge se sengwe le se sengwe se be se le kgahlanong le yona?

⁹⁵ Elelwang, lefase le be le swaswalatša moprofeta le molaetša wa gagwe, le—le se sengwe le se sengwe, lefase, le ile la swaswalatšwa. Dikereke tšohle di be di mo swaswalatša. Saense yohle e rile, “Monna o a gafa.” Bjalo ka ge ba boletše ka Jesu, go jeng nama le go nwa Madi a Gagwe, ba rile, “Monna ke lekgema. Ke senwamadi.” Le a bona? Kafao le bona moo ba tlhaologanyo, se re se bitšago batho ba go kwagala ba lefase, borasaense?

⁹⁶ A le be le tseba, ge o hwetša thuto ye ntši le setšo se sentši, a le be le tseba gore ke lehlakore le e go beago ka go lona? E go bea ka lehlakoreng la diabolo. Beibele e boletše gore, “Bana ba leswiswi ke ba bohlalehlale go feta bona ba Seetsa.”

⁹⁷ Lebelelang barwa ba Kaine, yo mongwe le yo mongwe wa bona o bile borasaense, baagi ka meagong, le go dira tšwelopele ye kgolo. Eupša barwa ba Sethe bohle ba be ba kokobetše, ba go itlhokela, badišadinku. A yeo ke nnete? [Phuthego e re, “Amene.”—Mor.] Monna wa go tsebega, wa kgale, bjalo ka ge go bile ka matšatšing a Noage, ka fao ba agago le go dira, le go aga diphiramiti le se sengwe le se sengwe, borasaense. Šetšang sekgauswi ka kgonthe bjale, le a bona. Batho ba ba swaswaladiše molaetša wa monna yo, le ge a bile le bohlatlse bja Modimo le yena.

⁹⁸ Goba go ka reng ge nkabe le phetše ka matšatšing a Eliya; Eliya, ge yena e le modiša ka letšatšing lela? Gomme Isebele, mengwaga ye makgolo a masomepedi tlhano ya go feta, Hollywood e be e thoma, ka pente yohle ya gagwe le difešene, o bile le barwedi bohle ba Israele ba dira selo sa go swana. Gomme mokgalabje yo mongwe a eme godimo fale le go lwa kgahlanong le yona! Gomme baprista bohle ba re, “Oo, gabotse, moisa wa kgale, mo tlogele a nnoši, o tla tla bofelong bja gagwe morago ga lebakana. Ga go selo go yona. Gomme yena, kgoši ya rena ye kaone yo a aperego feela boka re apere, le go ba le diaparo tše kaonekaone, gomme setšhaba sa go fepša bokaonekaone, le se sengwe le se sengwe, se dira phapano e ka ba efe ge eba o dira

se, goba sela, goba se sengwe? E dira phapano efe?” Badiša ba be ba e bolela.

⁹⁹ Eupsa pale go be go eme monna yo motee, a nnoši, ka O RIALO MORENA.

¹⁰⁰ Bjale ka go semelo sa gago sa bjale, o ka be o beilwe kae nako yela? Bjale lebelela ka Seiponeng, ge o eya gae o tla bona fao o lego. Le a bona? Le a bona? Eng, ke seemo sefe seemo sa gago sa bjale se tla go beago go letšatši lela? A o ka be o ile le kgopolu ya sebjalebajale, kerekeleina, leswao, moisa, “Oo, gabotse, bohole re nyalane”? Oo, kgonthe, bohole ba rapetše Jehofa ngwedi wo mongwe le wo mongwe wo moswa, gomme ba goeleditše gomme ba nwele meetse go tšwa mothopong, gomme ba tumiša Modimo wa Legodimo yo a ba tlišitšego godimo, le bohole ka mokgwa woo, eupša ba milione wa dimaele go tloga mothalong. Boitemogelo bja gago bja bjale bja Bokriste bo be bo tla go bea kae mo nakong ya Eliya? O be o tla tsebagatšwa kae? Ke lehlakore lefe o ka bego o le tšere nako yeo?

¹⁰¹ Goba, ge Moshe a tlišitše Israele, go ya tlase kua bjalo ka moprefeta yo a tsebagaditšwego, ka Lentšu leo Modimo a tshepišitšego Abraham moprefeta, go be go tla direga, gomme Moshe o ile tlase le go dira maswao ohle ao Modimo a mmoditšego go a dira. Theetšang sekgauswi bjale, re ya go tswalela mo motsotsong. O tlišitše bona bana ntle le go tsena ka lešokeng, molaetsa, go swana le lena Mapentecostal le tlogetše mengwaga ye masometlhano ya go feta go tšwa go kerekeleina, gomme ba fihlile go putla mo—mo mothalo godimo pale, gomme pale go tsogile monna, o rile, “Bjale ema motsotso, a re direng mokgatlo go tšwa go ye,” moisa yo a bitšwago Dathane. “Moshe, o nagana gore ke wena o nnoši lebopong. O nagana gore o monna yo mokgethwa a nnoši magareng ga rena. Re na le monna yo mongwe yo mokgethwa, go bolela se sengwe ka se. Re tla no itirela sehlopha se sennyane, gomme re tla e dumela ka tsela *ye*, gomme re tla e dumela ka tsela *ye*, gomme re tla e dumela ka tsela *ye*.”

¹⁰² Bjale ke sehlopha sefe semelo sa gago sa bjale se bego se ka go tsebagatšago? A o ka, ka matšatšing a—a Eliya, a o ka be o ile ntle kua moo Isebele, o re, ripa moriri wa gagwe gomme o pentile sefahlego sa gagwe, gomme e be e le mosadi wa sebjalebajale? Bjale e no nagana mo o tsebagatšwago bjale. O re, “Ke nna Mopent...” Ga ke bolele se o lego. Ke botšiša semelo sa gago. Re ya ka tlase ga dilo tše dinnyane tše tseo o di lebeletšego. Re ya ka gare ga gago.

¹⁰³ A le kwele Moya wo Mokgethwa wola bošegong bja go feta, ka fao O goeleditše ntle kua mafelelong? Ke ka lebaka leo ke bolelago se ke lego lehono. Le a bona? Bula ya gago ya ka tlase...kwešišo ya semoya, batho, Go—go thari go feta ka mo le naganago. Le a bona? Le a bona? Le a bona? O ka kgona...

Ke—ke tsela ye motho a ka naganago gore o a rereša. Eupša ke naganne, mohlomongwe, ge Morena a ka ntumelela go bolela se, gore ba tla ntshwarela bakeng sa sona, mo—mo mokgatlo, goba, baena; woo, ke a tseba ba a dira, ba thwi le nna go wona.

¹⁰⁴ Hlokomelang. Eupša, se, ge—ge o ka no kgona go ipona wenamong lehono, ka seetšeng; ge moyo wa gago, wo o bego o le ka go wena, o phetše ka go semelo morago kua. Bjale lebelela moo le lego lehono, gomme o tla bona moo o ka bego o bile morago fale. O ka be o bile kae ka nako yeo? A o ka be o tšere lehlakore le mokgatlo wo Dathane a bego a nyaka go o kgobokanya? Goba, a semelo sa gago sa bjale se ka be se go arogantš go tloga go wola, gomme o dutše le Lentšu, le a bona, ge go be go bonagala bohole ba le kgahlanong le lona?

¹⁰⁵ Moshe o be a hlatseditšwe ka go tsenelela, gore o bile le molaetša wa Morena. Modimo o e netefaditše ka mokgwa wo mongwe le wo mongwe, feela tlwa se A se boletšego se tlide go phethega; o boditše Israele, thwi morago ka go Doiteronomio, moragorago ka fale, “E ka ba eng maswao a a tla bago, o swanetše go latela leo le go le theetsa, le go kwa se Lentšu le se tshepišitšego.” O dirilwe go bonagala.

¹⁰⁶ Gomme go le bjalo Dathane, moetapele wa setswerere tlase ka Egepeta, o tsogile gomme o boletše fale, “O tla leka go itira wenamong wena o nnoši yoo a nago le e ka ba eng.”

¹⁰⁷ Woo e be e se mogopolu wa Moshe. O be a dira feela se Modimo a mmeetšego go se dira. Bohle ba bona ba be ba se ba swanela go ba boMoshe. Batho ba be ba swanetše feela go latela se a se boletšego. Yo mongwe le yo mongwe o be a se a swanela go hlola, le go dira mehlolo le dilo. Bjoo ke bjo e lego bothata ka batho lehono.

¹⁰⁸ Mohumagadi o mpotšišitše, go tla go theoga tsela, letšatši le lengwe, go tswa godimo mo. O rile... Ke Florence Shakarian, kgaetšedi wa Ngwanešu Demos, le Kgaetšedi Williams le bona ba dutše ka koloing. O rile, “Ngwanešu Branham, ke a ikona le go ikona le go ikona, gomme go le bjalo ga ke kgone go lelekela bodiabolo.”

¹⁰⁹ Ke rile, “O be o se wa tswalwa go dira se sebjalo. Mošomo wa gago, ke go ikona. Moya wo Mokgethwā o šoma go yo mongwe gape ntle fale bakeng sa seo. Ga o tsebe lefelo.”

¹¹⁰ Ge nkabe re na le nako, re be re tla ruta dilo tšeoa ka dikopanong tše telele. Ka fao motho yo motee a imetšwego, ka mokgwa *wo*, bakeng sa se sengwe godimo *mo*. Ga o tsebe, ga o, gomme ga go go wena go tseba. Ke Yena a e dirago. O no ba go ineela go pitšo ya gago, gomme ka mehla e bee mothalong le Lengwalo, bona ge eba ke nnete goba aowa.

¹¹¹ Bjale re hwetsa, bobedi... Yo e be e le Moshe yo a bego a swaswalatšwa, gomme o be a—o be a swaswalatšwa ke sehlopha se, eupša Modimo o rile go Moshe, “Ikaroganye wenamong go

tloga go yena, gobane Ke ya go mo metša ka lefaseng,” gomme O dirile. Bjale, le a bona, o swanetše go tseba iri ye o e phelago, gomme bjale ahlola semelo sa gago le se ba bego ba le sona.

¹¹² Goba, ka matšatšing a Kriste. Ke nyaka go le botšiša bjale. Ge ba bile le diseminari tše kaonekaone, badiredi ba bakaonekaone, dirutegi tša godimodimo, ditirelo tše kgethwa kudukudu, le se sengwe le se sengwe seo rena, ba kilego ba ba le sona; gomme ge Jesu a etla go lefelotiragalo, ka nnete O be a le “legwaragwara,” go bona. Eupša, le a bona, Modimo o tsebagaditše semelo sa Gagwe Mong ka go Yena, ka go bonagatša gore O be a le Modimo. Gomme O rile, “Ge le sa tsebe Ke nna Mang, phetlang Mangwalo.”

Ba rile, “Re tseba Moshe. Ga re . . .”

¹¹³ O rile, “Ge nkabe le tsebile Moshe, nkabe le Ntseba. O ngwadile ka Nna.”

¹¹⁴ Bjale, ge o ka be o phetše letšatšing lela, gomme o be o le moleloko wa kereke tsoko ye kaone ya Khansele ya Sanhedrin, modiša yo mokaone, ke lehlakore lefe o ka bego o le tšere? Ke lefe, ke lehlakore lefe semelo sa gago bjale se ka go beago go lona? Nagana. Go tšwa go wena. Lehlakore lefe, a se—se semelo sa gago bjale se o lego sona, o be o tla itsebagatša kae wenamong mo matšatšing a Jesu, ge modiša wa gago a rile, “Oo, tšona dilo ke ditšiebadimo”?

¹¹⁵ Gomme efela mo go tla Jesu morago, a re, “Lengwalo le rile Ke be ke swanetše go dira *se*,” gomme O se dirile. “Lengwalo le rile Ke be ke swanetše go dira *se*, le ‘go tswalwa ke kgarebe.’ Lengwalo le rile Ke be ke swanetše go dira *se*,” gomme O se dirile. O rile, “Puruputšang Lengwalo gomme le bone moo Ke šitilwego.”

¹¹⁶ Eupša ba rile, “Se išeng šedi go mothaka yola; O tšwele monaganong wa Gagwe.” Le a bona?

¹¹⁷ Eng, ke semelo sefe sa bjale o nago naso? O be o tla bewa kae morago kua ka go wona matšatši ge Jesu a be a le lefaseng, ge dikerekemaina tše kgolo le baithutamodimo ba be ba le kgahlanong le Yena, gomme barutiši bohle le baithutamodimo ba letšatši leo ba be ba le kgahlanong le Yena, barutiši bohle ba Beibele kgahlanong le Yena? Kgahlanong le eng? Kgahlanong le Lentšu la Modimo le le hlakilego go lebaka leo le dirwa go bonagala, go tsebagatšwa, Modimo ka Boyena o tsebišitše.

¹¹⁸ “Leina la Gagwe o tla bitšwa Moeletši, Mokgoma wa Khutšo, Modimo yo Maatla, Tate wa Gosafelego. Kgarebe e tla ima gomme ya belega morwa yo. Mmušo o tla ba ka godimo ga magetla a Gagwe, le a bona, ka Mmušo wa Gagwe ga go na mafelelo.” Ke mang Motho yo? Lesea, Modimo, gomme ka gona Modimo o ba motho. A o ka eleletša Jehofa a lla boka lesaea? A o ka eleletša Jehofa a tswalwa ka ntlopolokelong? A o ka eleletša

Jehofa a bapala boka mošemane? A o ka kgona go eleletša kereke, ye e tleleimago go Mo rapela, e Mmapola?

¹¹⁹ Bjale ke lehlakore lefe o bego o tla tsebagatšw go lona? A ke sa therešo tlwa, se Lentšu la go hlweka tlwa le bego le se bolela, ka Bolona, goba a o ka be o tšere go thutotumelo ya gago? Semelo sa gago sa bjale, o be o tla ba kae? Bjale fao ke thwi moo o ka bego o bile. E ka ba eng o lego gonabjale, seo e no ba se o ka bego o bile morago fale, feela tlwa, go hlaka tlwa. Oo, nna!

¹²⁰ Ge, leswao la Gagwe la Bomesia, bjale šetšang, leswao la Gagwe la Bomesia le tsebagaditše semelo sa Gagwe, ka gore e be e le Modimo ka go motho, Lentšu. Le bona se ke se rago? Le hlathile dikgopololo, le go ba botša dilo tše tšohle.

¹²¹ [Ga go selo go theipi—Mor.] . . . Lentšu le mo hweditše ka gare. Eupša ge Lentšu la mathomo le phadimile, o Le hweditše. O be a le yo mongwe wa dikgopololo tseo tša Modimo, yeo e bonagaditšwego. Le a bona?

¹²² Eupša bao ba bego ba eme kua ka diaparong tša bokereke, le mehuta yohle ya seriti, le mehuta yohle ya go fapošetša Lentšu ka go dilo tša go fapano, le go Le dira le se be le tlhokofalo ka go Lona, feela ba be ba le ba kereke, ba be ba le bona ba tleleimago go ba le Seetša, gomme Seetša sa fifatša seetša se ba bilego le sona.

¹²³ Go swana le wena o leka go swara seetša sa thotše ka letšatšing, go tima letšatši. Le a bona? Gobaneng thotše e sa time letšatši, gobaneng seetša e ka se be se sengwe? Ga go ne seetša se ka timago letšatši. Gobaneng? Ke Lentšu la Modimo le dirilwe go bonagala. Modimo o rile, “A go be le seetša,” gomme seo ke seetša sa Modimo. Ke Lentšu la Modimo le bonagatšwa; šo o a tla!

¹²⁴ Ga go thutotumelo, kerekeleina, ga go mopapa, moprista, goba e ka ba eng e lego, goba Ngaka ya Bokgethwa, ga go mokgatlo, ga go setšhaba, ga go selo, se ka tsogego sa tima Seetša sa Modimo sa ponagatšo. Ge Lentšu le bolelwa gomme a etla Seetšeng, se ya go dira seo Le rilego Se tla se dira. Ga go thutotumelo ye e ka kgonago go ema go Le dikologa, ga go selo se ka kgonago go ema go le dikologa, eupša Seetša ka Bosona le bao ba tlago go sepela ka go sona. Yoo ke Jesu Kriste a tsogilego go tšwa bahung, fa a iponagatša Yenamong magareng ga rena, gomme re sepela ka go Yena. Ga go selo se ka kgonago go e thibela. “Magodimo le lefase,” Jesu o rile, “di tla feta, eupša Le ka se ke.” Hlokomelang, barutiši bohole ba Beibele, le go ya pele . . .

¹²⁵ Efela, go boneng Lentšu lela le hlatseditšwe, leswao la Gagwe la bomesia le bontšha mmalegogwana yola yo monnyane O be a le Mang, ba bangwe ba ba bilego le tšona dikgopololo ka monaganong wa Modimo, boka Petro le—le Nathaniele, le bohole bao ba bego ba le ka monaganong wa Modimo, ka pela ge Seetša sela se pekentše, ba Se lemogile. Ba be ba se ba swanela go

ba gogela godimo aletareng, ba ba biletša godimo le—le go ba kgopela, le go ba botša le tla ba direla se sengwe gape ge ba ka dira, gomme le tla ba fa bophelo bjo bokaone, gomme o bone ge eba o ka kgona go bolela le molaodi bakeng sa mošomo, wa ba bea ka lefelong le lekaone. Ba be ba sa tshwenyege. Ba be ba swanetše go lwa go swara lefelo la bona. “Eupša ga go selo se yago go re aroganya,” go boletše Beibele, “go tloga go lerato la Modimo le le lego ka go Kriste.” Tlhomaro, kotsi, lehu ka bolona, le ka se kgone go re aroganya, gobane bohole re bile, ka mehla re bile, ka dikgopolong tša Gagwe. Go lokile, re ya pele.

¹²⁶ A seemo sa gago sa bjale se be se tla go tsebagatša le Bafarisei ba letšatši lela? A seemo sa gago sa bjale se be se tla? Bjale ge o ka re, “Aowa, se be se ka se ntsebagatše le bona Bafarisei nako yela,” gona go reng ka bjale? Bahebere 13:8 e rile O a swana maabane, lehono, le go ya go ile. Bjale ke seemo sefe motho wa gago wa bjale a go tsebagatšago bjale? “Nka se be le selo go dira le bona Bafarisei. Aowa, mohlomphegi.” Bjale, leo e no ba leina, go wena. Eupša go reng ka seemo se o lego ka go sona, ge o Mmona lehono ka kerekeng ya Gagwe feela bjalo ka ge A bile nako yela, bjale o tla ba kae? Histori e a ipušeletša yonamong.

¹²⁷ Bafarisei ba letšatši lela ba eme kgahlanong le Yena ka lebaka la kgethollo. Gomme seo ke se e lego taba lehono, lefase la kerekelina le ema kgahlanong le Therešo ya Lentšu, ka baka la gore ke kgethollo.

¹²⁸ Go botšišweng ke moprista wa Katoliki e sego telele go fetile, o rile go nna, “O leka go ruta Beibele.”

Ke rile, “Seo ke se ke dumelago go sona.”

O rile, “Modimo o ka kerekeng ya Gagwe.”

Ke rile, “Modimo o ka go Lentšu la Gagwe.”

¹²⁹ O rile, “Seo e bile, bohole bona batho ba pele e bile Makatoliki.” Ke rile . . . “Petro, Jakobo le Johane, bohole ba be ba le Katoliki.”

¹³⁰ Ke rile, “Ge ba be ba le . . .” Gomme o rile . . . ke rile, “Wena, o nagana eng ka kerekeng lehono?”

O rile, “E kaonana kudu go phala e bile nako yela.”

¹³¹ Ka re, “Dirang dilo tše le di dirilego nako yela.” Le a bona, semelo se laetša tlwa se e lego sona.

¹³² Bafarisei ba letšatši lela, bakeng sa kgethollo! Elelwang, e be e le kgethollo. Gabotse ba Le bone! Nikodemo, yo motee wa baprista ba bona, o e hlagišitše, gomme a re, “Rabi, re a tseba gore O morutiši yo a tšwago go Modimo. Ga go motho a ka kgonago go dira se O se dirago ntle le ge Modimo a na le yena.” Le a bona, eupša bakeng sa kgethollo, gobane ga se A tšoenane le sehlopha sa bona!

¹³³ Ge A be a ka tla, a re, “Bjale lena Bafarisei le phošo; Ke nna—Ke nna Mosadutsei,” goba, “lena Basadutsei le phošo; Ke nna Mofarasei.” Mofarasei o be a tla re, “Le a bona, ke le boditše re be re rereša.” Eupša ga se A tla go e ka ba ofe wa bona; eupša O eme magareng ga bona.

¹³⁴ Ge nkabe le Mo latetše, go bona mehlolo ya Gagwe nako yela, gomme morago . . . Gomme le re, “Oo, ke tla rata go bona mehlolo ya Gagwe.” Gomme le Mo latetše, go bona mehlolo ya Gagwe.

¹³⁵ Gomme ka gona ge A etla lefelong le, o rile O ile a ema a pealatša mehlolo ya Gagwe, go swana le, le go thoma go ba ruta. Gomme badiredi ba masomešupa, ba hlomamišitšwe ke Kriste, ba emeletše gomme ba Mo ngaletše gobane O boletše se sengwe seo saense e ka se kgonego go ya le sona, goba lešaba ka moka le ka se kgonego go ya le sona. Ga se ba ke ba kgona go kwešiša ka fao Monna yola, e lego monna, go le bjalo o itira Modimo ka Boyena go tla fase go tšwa Legodimong. Morwa wa motho a rotogela godimo go tšwa moo A tšwago gona. O be a le Modimo. Nnete, O be a le. Ba rile, “Oo, rena, seo se bothata kudu, re ka se kgone go ya go seo.”

¹³⁶ O be o tla tsebagatšwa kae ka nako yeo, bjale le semelo sa gago se se kgolokilwego ka go wena? Se sengwe se kgolokile semelo sa gago. O mohuta wo mongwe wa semelo. O tla ikhwetša ka bowena felotsoko mo. O be o tla dira eng? Eng, ka go seemo sa gago sa bjale, eng, o be o tla ba kae ka nako yela? Le a bona?

¹³⁷ Barutiši bohole kgahlanong le Yena, le se sengwe le se sengwe, gomme mehlolo ya Gagwe e Mo tsebagaditše. Gomme ge ba masomešupa ba emelela, gomme badiša le badiredi, gomme ba tsoga gomme ba re, “Ga re kgone go kwešiša Seo,” a le ka be le ngadile boka phuthego yela? Goba a o ka be o bile boka bona barutiwa, “Ga ke kgathale se ba se bolelago”? Le a bona, e gona.

¹³⁸ Ka gona Jesu o retologile le go ba fa teko, o rile, “Lena bohole nyaka go sepela, le lena?”

¹³⁹ Le a bona, ba bile le Yena a swerwe ka molabeng. “Gobaneng, Monna yo ke senwamadi,” ba rile, “o swanetše go ja nama le madi a Gagwe.” Ba ngadile, phuthego.

¹⁴⁰ “Gabotse,” badiredi ba re, “gabotse, re tla dula lebakana le lennyane boteletšana, go bona se e lego mabapi le sona.”

¹⁴¹ Gomme O rile, “Bjale ge le bona Morwa wa motho a itsebiša ka Boyena bjalo ka Modimo bjale, le a bona, ge le bona Morwa wa motho a rotogela godimo ka Legodimong go tšwa moo A tšwago gona.”

“Oo,” ba rile, “se ke bontši kudu go rena,” gomme ba tlogile.

Ka gona A retologela go barutiwa, a re, “Le nyaka go ya, le lena?”

¹⁴² Gomme Petro o rile, “Morena, re tla ya go mang? Re tla ya kae? Re a tseba gore Wena, gomme Wena o nnoši, o na le Mantšu a Bophelo.”

¹⁴³ Gomme seo ke selo sa go swana lehono, “Yena,” e sego mokgatlo wa lena, e sego sehlopha sa lena. Kriste, gomme Yena a nnoši, o na le Lentšu la Bophelo. O itsebagatša kae wenamong, ka nonwane tsoko ya maaka ya se sengwe motho a se dirilego, goba phihlelelo ya Modimo? Bjalo ka ge ke boletše Lamorena la go feta ka go *Bala go theoga*, se Modimo a kgonnego go se fihlelela, go tliša Kereke ya Gagwe ka go lebaka la sephatšamaru bjale. Le a bona? Goba, o be o tla dira kae, goba o ka kgona go bona boitsebišo bja gago mong bjale?

¹⁴⁴ Hlokamelang, le wa go tsebalega, morutiši wa go ratega. Ke nyaka go bolela le lena batho ba baswa, motsotso feela. O itsebagatša kae wenamong, mohumagadi yo moswa, wena sekolong? Oo, o ka kgona go aroganya dithoro, o ka kgona go laetša sohle *se*, gomme—gomme o morutiši wa saense le se sengwe le se sengwe. Eupša a o a tseba ke eng? Di ka se kgone go go fa Bophelo.

¹⁴⁵ Bophelo bo tla feela ka Kriste, “go Mo tseba,” e sego go tseba Lentšu la Gagwe, e sego go tseba Kereke ya Gagwe, e sego go tseba ya Gagwe *Ye*. “Go Mo tseba,” seo ke selo se nnoši se ka kgonago go go fa Bophelo.

¹⁴⁶ Gomme bjale ge Se se etla pele ga moswa wa sebjalebjale, se sengwe go swana le mošemane wa gago wa sebjalebjale wa Pentecostal, Elvis Presley, yo a rekišitšego ditokelotswalo tša gagwe bakeng sa molokoloko wa diCadillac le milione wa ditolara tša gauta, le go ya pele. Seo ke se lefase le se nyakago. Ba nyaka Pentecost e ka dumelela ba—ba batho . . .

¹⁴⁷ Lehono, basadi ba nyaka Pentecost yeo e tla ba dumelelago—ba dumelelago go ripa moriri wa bona le go apara dišothi, goba go dira e ka ba eng ba nyakago, gomme—gomme ba no boloka bopaki bja bona—bja bona bja go beng Pentecost. Bona, ba nyaka seo go no swana. Le a bona? “Aowa, nka se ye go sehlopha sela. Aowa, ba na le . . . Yeo ke fešene ya kgale.” Le a bona? Le a bona, ba nyaka yeo. E no ba tlhago. Gomme ba bangwe ba monna, ba ba hlahlwago ke basadi, ba e fa go bona.

¹⁴⁸ Eupša, “Modimo o kgona ka matlapa a.” Yo mongwe o swanetše go phatlalatša Seetša, gomme re na le monna lehono yo a sa boifego go Se phatlalatša, le yena. A e be e ka ba eng e nyakago.

¹⁴⁹ O tsebagatšwa kae? O na le sehlopha sefe? Le a bona? O eme kae? Hlokamelang.

¹⁵⁰ Moisa yo moswa yo, o itsebagaditše yenamong le kereke ya gagwe mong; poreisi e be e le ye kgolo kudu. Kafao ge—kafao ge le elelwa boitsebišo bja gagwe bja mafelelo, moo re tsebišitšego mmuši yo moswa yo yoo a bilego le sebakabotse go tla go latela

Jesu, o ile pele gomme o tšere kereke ya gagwe gomme o ile pele. O be a le mošemane wa go loka, o rile o bolokile melao gomme o dirile dilo tše tšohle. Gomme o tsebile feela gabotse bjalo ka e ka ba mang wa ka moka ga bona, kafao o tla no tšea kgopololo yeo. O ganne go latela Jesu, le boitsebišo bja gagwe bja mafelelo, re mo hwetša ka heleng, o be a llela Latsaro go tla le go mo tlišetša meetse tsoko.

¹⁵¹ Goba, boitsebišo bja gago, a o ka tsebagatšwa le sehlopha seo Judase a bego a le ka go sona? O thomile go sepela le Jesu. O thomile gabotse, boka Mapentecostal ba dirile mengwaga ya go feta. Eupša sona selo seo ba tšwilego go sona, mokgatlo, bommago le botatago lena, sehlopha se seswa se se retologetše thwi morago le go ba dira batee feela boka ba tšwetše ka ntle ga sona. Le a bona? Ke mohuta ofe wa sehlopha le nago le sona?

¹⁵² Bjale Beibele e boletše Lebaka le la Kereke ya Laodikia . . . Judase, le a tseba, o rwele . . . O bone kgonagalo ya go hwetša se sengwe se segolo ka se a bilego le sona. O be a tsebagaditšwe le Jesu. Kafao o naganne, ka seo, o rwele mokotla, gomme o be a ka kgona go dira tšelete ya tlaleletšo ka go Mo rekiša ka diripa tše masometharo tša silibera.

¹⁵³ Seo ke tlwa se Lebaka la Kereke ya Laodikia le se dirilego. Beibele e boletše bjalo. “O humile, gomme o re, ‘Ke oketsegile, gomme ke na le dipahalo tše ntši, gomme ga ke hloke selo.’ Gomme ga o tsebe gore o madimabe, o a nyamiša, o foufetše, o hlobotše; gomme ga o e tsebe.” Yeo ke Pentecostal, Lebaka la mafelelo la Kereke; e sego Luther, e sego Wesley. Eupša, Mapentecostal, leo ke Lebaka la Kereke.

¹⁵⁴ O tsebagatšwa kae bjale? O re, “Ke nna Mopentecostal.” Le bona fao e tsebagaditšwego? Ya go Mmea ka ntle. Nnete, ka gore ba humile, ba na le tlhoko . . .

¹⁵⁵ “Oo, o re, ‘go huma?’” Gobaneng, o be o fela o ema ntle fa le go patela ditolara tše tharo ka beke bakeng sa mokhukhwana wo monnyane wa kgale mo khoneng. E sego bjalo ka ge ke leka go tsebagatša seo; eupša ge go tšea seo go rera Mantšu a go tlala, go tšea seo. Ka kgontha. Bjale re lefa ditolara tše milione tše masometlhano bakeng sa diseminari, le dihlopha, le dilo tše kgolo bogolo, le go mafelo a mangwe go bea dibilione le dimilione tša ditolara ka go meago ye megolo, go dira tsela, gomme re rera Jesu o tla ka pela. Gomme baromiwa ke a tseba, tšhemong, ba se ne dieta dinaong tša bona. Amene. Go direng moneelo, baromiwa ba bangwe ba bantši; gomme ngwanešu yo motee wa kgale a se ne selo maotong a gagwe eupša para ya diramphašane, seo ke sohle a bilego le sona, o ba topetše godimo le go ba bea godimo kua bakeng sa moneelo bakeng sa moromiwa tsoko yo mongwe. Oo, nna! O tsebagatšwa kae?

¹⁵⁶ Mapentecostal! Nka se dule botelele kudu fale, eupša le tseba se ke se rago. Oo, nna! Re rekišitše! Re rekišitše eng? Re rekišitše

ditokelotswalo tša rena bakeng sa botsebalegi. Re nyakile go swana le Mamethodist. Le nyakile go swana le Mabaptist le Mapresbyterian. Woo ke mohuta wa meago le nago le yona. Le bea seminari godimo, gomme boka sephaphaši, gomme sa phaphaša bareri ba bangwe bao ba tla le dumelelago go dira e ka ba eng le nyakago, gomme la fela le ipitša lenabeng “pentecost.” Ao ke maaka. Nnete! Elelwang, elelwang, seo e bile sona selo seo se retolletšego Judase go tsebalega magareng ga badiredi ka moka, o Mo rekišitše ka dithoro tše masometharo tša silibere.

¹⁵⁷ Yena, ke eng e mo hlanošitšego? Gabotse o belaetše ditleleime tša Kriste go beng Lentšu. O be a kgona go bona Monna yola, a eja le Yena, a thea dihlapi le Yena ntle kua, le se sengwe le se sengwe gape; gomme Yena go beng Lentšu, o be a sa kgone go e dumela. O be a sa kgone go dumela O be a le Modimo; eupša O be a le. Semelo sa Judase se mo dirile gore a dire se. A semelo sa gago se dirile selo sa go swana? Elelwang, Judase o be a le wa bodumedi kudu.

¹⁵⁸ Ke ile Afrika, gomme ba rile, “Gobaneng, Elvis Presley, re na le dipina tša gagwe gohlegohle mo, o a opela.”

¹⁵⁹ Pat Boone le bona, ga ba swanelo go dumelwa go bolela Leina. Thogorogo le tšhila! Ke boikaketši. “Yo a bitšago Leina la Kriste, a nke a ikaroganye yenamong go tloga go sebe.” Le a bona? Eupša ke lena bao. Le bona moo re fihlilego? Sebe ke moretše, se sepela ka mahlajana kudu, go fihla o sa tsebe se gona go fihla se šetše se go tateditše go sona, le a bona, gomme ka gona se go swere ka dinaleng tša sona. Le bona se boitsebišo bja mafelelo bja Judase bo bilego?

¹⁶⁰ Gomme, ngwanešu wa ka, gobane kereke yeo o yago go yona ke ye kgolwane go feta ya go latela godimo khoneng, efela ba rera Therešo, gomme ga o dire, o bona moo seo se go hwetšago? Woo ke moya wola wa Judase. Gomme le tseba boitsebišo bja gagwe bja mafelelo? O be a lekeletše godimo ga mohlare wa mosikamoro.

¹⁶¹ Goba a o ikhwetša wenamong o tsebagaditšwe le barutiwa ba kgontha ba Kriste? Bjale re ya go tswalela, kgontha go lekanelo bjale. Therešo go Yena le Lentšu la Gagwe, ka sefahlegong sa tshwaswalatšo yohle! A o ka kgona go itsebagatša wenamong le Petro ka Letšatši la Pentecost?

¹⁶² Ge bohole ba bona ba e bone, ba rile, “Lebelelang sehlopha se sa batho ba go gafa. Bohle ba tagilwe.”

¹⁶³ Petro o emeletše gomme o rile, “Lena monna wa Jerusalema, le lena ba le dulago ka Judea, a nke se se tsebje go lena, gomme ekwang mantšu a ka. Ba ga se ba tagwa bjalo ka ge le nagana; ye e no ba iri ya boraro ya letšatši. Eupša se ke seo, Lengwalo, leo le boletšwego ke moprefeta Joele.” E be e le eng? Lentšu la Modimo le be le bonagatšwa. O rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste tebalelong ya dibe tša lena, gomme le tla amogela neo

ya Moya wo Mokgethwa. Tshepišo ke ya lena, le bana ba lena, le bona ba ba lego kgole.” Ba bakae? “Le ba bantši ba Morena Modimo wa rena a tlaggo go ba bitša.” Ga se nke a ke a bitša bohole, le a tseba. Eupša bona, bao ba buditšego, ba tseba ba dire eng. Go lokile. Go lokile.

¹⁶⁴ Goba, le Paulo, goba ge o be o na le Paulo ge de—de—de Demase wa go rata botsebalegi a mo tlogetše, bakeng sa dilo tša lefase, mothuši wa gagwe; ge nkabe o bone batho bohole ba sega Paulo, go kwa Paulo a rile, “Tlišang jase.” Monna ka bodiredi boka a bile, gomme o bile feela le jase e tee.

¹⁶⁵ Gobaneng, Demase o naganne, “O swanetše go be a bile le sekolo se segolo se setona sa Beibele, gomme sohle se se breakantswe mogohle, gomme ka go mokgatlo wo mongwe wo mogolo. Gobaneng, o be a kgona go fodiša balwetši. O be a le moprefeta. Gobaneng, o be a swanetše go ba le mehuta yohle ya tšelete, dimilione tša mojabohwa, gomme fa monna feela o bile le jase e tee.”

¹⁶⁶ O rile, “Go ba go tonya tlase fa. Mmotše go tliša jase ya ka fase ge a etla.”

¹⁶⁷ Gomme Demase, go boneng se, o ile le lefase, gomme o tlogetše ngwanabo yo monnyane wa go šokiša go e lwantšha a nnoši. A o ka leka go ema le go bona Jesu ntile kua, go tonya, go Mmona a hloka, gomme o sepela go tloga go Yena?

¹⁶⁸ Le elelwa Mokgethwa Martin? Ba bantši ba lena banešu le a mo elelwa, dingwalwa tša Mokgethwa Martin. O be a le ka Tours, Fora, gomme o be a se Mokriste. Mmagwe o be a le Mokriste. O be a le motswala go—go Irenaeus. Gomme, ka gona, ye e be e le makgolo a mmalwa a mengwaga ka morago ga lehu la baapostola, ge ba be ba sa leka go boloka Lentšu mmogo; gomme kereke ya Katoliki e be e e tloša yohle go dithutotaelo, gomme ga se ba e emela.

¹⁶⁹ Gomme Mokgethwa Martin, a eya go kgabola keiti, moo... . morago ga sekgalela sa go tonya, gomme fale go robetše mokgopedi wa go šokiša wa kgale a robetše fale, a gatsela go iša lehung. Ga go yo a bego a ka mo fa jase. Mokgethwa Martin o apotše jase ya gagwe mong, a e ripa seripa gomme a potoka mokgopedi ka go yona, gomme a ya pele. Ba mo segile. “A lešole la go se hlalefe le lego. Ebile o roba melao ya sešole sa rena. O dira tšohle tše. Monna ka jase ya seripa e potokilwe go mo dikologa, bakeng sa hopo yela.”

¹⁷⁰ Bošegong bjoo ge a robetše ka malaong a gagwe, o ile a tsošwa ke lešata. Gomme ge a lebeletše godimo, fao go be go eme Jesu a potokilwe ka go seripa sela sa jase. O tsebile se a se dirilego go mokgopedi yola, o se dirilego Kriste. Yeo e be e le tshokologo ya gagwe.

¹⁷¹ A o ka ema le go bona tlaišego ya Ebangedi lehono? Goba a o ka ya le lešaba la go rata botsebalegi, boka Demase a dirile? A

o ya go ema hleng le Yena, go phela goba go hwa? Boka Petro a dirile, “Ke komana go ya kgolegong, goba e ka ba kae, le Wena.” Ya.

¹⁷² Ge taba e etla pele ka kerekeng, ge eba basadi ba swanetše go ripa moriri wa bona, goba se ba swanetše go se dira, go swana le ge ba dirile ka go Bakorinthe, ke lehlakore lefe o le tšeago nako yeo? Seemo sa gago sa bjale se dira eng nako yeo? Nagana ka yona, kgaetšedi. Ge, Paulo o rile, “Ga ke dumelele mosadi go ruta goba go tšea maatlataolo e ka ba afe, eupša a be ka tlase ga go obamela.”

¹⁷³ Ba ngwadile le go mmotsa, ba rile, “Gabotse, kereke godimo fa, Moya wo Mokgethwa o re boditše.”

¹⁷⁴ O rile, “Eng? A Lentšu la Modimo le tšwa go lena? Gomme Le tlide go nna ke nnoši. Ge motho e ka ba mang a nagana yenamong go ba moperfeta, a nke a amogelete gore se ke se bolelagoo ke ditaelo tša Modimo.” O rile, ka go Bagalatia 1:8, “Ge morongwa a etla go tšwa Legodimong gomme a bolela selo e ka ba sefe se sengwe, a a be morogwa.”

¹⁷⁵ O be o tla tšea lehlakore lefe ka go taba yeo ge e be e le ka kerekeng ya gago? Huh? Hwetše seemo sa gago sa bjale. Ke no leka go botšiša moo o lego. Oo, ngwanešu, a re hlaganeleng. Paulo o phagamile go tloga leemong le legolo, le a elelwa. O re, “Eupša, ngwanešu, ke—ke nna monna wa selete. Ke nna—ke nna . . .” Ga ke kgathale se o lego. Ke go botšiša se maemo a gago a bjale, semelo sa gago sa bjale. Eng, e go direla eng? O be o tla tsebagatšwa kae?

¹⁷⁶ Paulo, elelwang, o tlide fase go tšwa go thuto ye kgolo ka tlase ga Gamaliele. Gamaliele e be e le morutiši wa gagwe yo mogolo, gomme o be a le se sengwe se segolo, a ka be a bile monna yo mogolo. Eupša o ile a inama, go bona gore Lentšu la Modimo le be le ka kgona go tšwelapele go gola, le go neela bophelo bja gagwe bakeng sa lona.

¹⁷⁷ Moshe o tšwa teroneng, go ba Farao, go rwala Lentšu la Modimo go kgabola lešoka.

¹⁷⁸ Jesu o tšwa Legodimong, go go fa Bophelo. Ke lešaba lefe o tsebagatšwago le lona? Oo, go dira tsela go iponagatša ka Boyena, bjalo ka Seetša se se phadimago! O be A tla direla eng seo?

¹⁷⁹ Bjale, thwi, e nong go dula tuu motsotsa feela boteletšana, metsotsa e se mekae boteletšana, ge le nyaka go rapelelwa. Ke a tseba ke le swareletše botelele. Gonabjale ke metsotsa ye masomepedi go ya go ya bohlano. Re tla be re sepetsé ka ya bohlano, Morena ge a rata. Theetšang. Ke lešaba lefe o tla tsebagatšwago le lona? Ke nyaka go le botšiša se sengwe.

¹⁸⁰ Jesu o tlide gore A ke a gotetše Seetša. Seetša sa go pekenya se tšea seswantšho. Le a bona, gore A ka kgona, o ka kgona go

bonagatšwa, goba A ka kgora go bonagatšwa ka go wena; ge seswantšho sa gago se tšewa, se tla lebega boka sa Gagwe; ge batho ba go lebelela, ba bona Lentšu la Modimo le phela gape. Seo ke se A tlilego, go tliša khamera yeo, ka Madi a Gagwe a go hlwekiša, go tliša Lentšu kgaušwi le wena. Ka lebaka le, O rile, Johane 14:12, “Mediro ye Ke e dirago le tla e dira le lena.” “Gomme ge e ka ba mang a ka Ntatela, a nke a gane thutotumelo ya gagwe, a ikgane yenamong, a gane lefase, a tšee sefapano sa gagwe gomme a Ntatele.”

¹⁸¹ Goba a le hwetšwa le tsebagatšwa ka go a mangwe a Mangwalo moo a—ka go a mangwe a Mangwalo moo... bona bao ba sego ba dula? Moo o itsebagaditšego le, go le bjalo? Khamera e šetše e pekentše. O tsebagatšwa felotsoko. O dutše fa morago ga sekglela se, yo mongwe le yo mongwe wa rena, bjale theetša, o tsebagatšwa felotsoko. Khamera e šetše e pekentše. O tseba se o lego. È tšere seswantšho sa gago felotsoko. Bjale o eme kae? O moahlodi.

¹⁸² Modimo re thuše go tsebagatšwa kudu, ka go Yena, gore re tla bonagatša Bophelo bja Gagwe ka go bja rena beng. Theetšang, morulagauta o be a fela a tšea le go betha gauta, gomme o tšwetšepele a e itia le go e itia, le go e phetholela godimo le go e itia, go fihla a bone ponagatšo ya gagwe mong ka go yona. Ka gora e be e le gauta ya go seka; leraga lohle le be le iteilwe. A nke Moya wo Mokgethwa, lehono, le ka kopanong ye, mo diiring di tlago, a nke A tšee Lentšu le gomme a Le bethe gape, ka pelong ya rena, go fihla dipelaelo tšohle, dithutotumelo tšohle, le dilo tšohle kgahlanong le Modimo, di ile, gore re ka kgora, (theetšang bjale) gore rena, Kereke, re ka kgora go bonagatša tsogo ya Gagwe.

¹⁸³ Theetšang, kanegelo ye nnyane ye, gomme morago le dire dikarata tša lena tša thapelo komana.

¹⁸⁴ Ka Carlsbad, New Mexico, ba bantsi ba lena le kwele ka mefomeng ye megolo yela tlase kua, le a bona, tlase ka tlase ga mobu. O ya tlase e ka ba maele, godimo ga—godimo ga selo. O ya thwi gohle go theoga, maele ka tlase ga mobu. Ke leswiswi kudu, go fihla o bea seatla sa gago ka mokgwa wo, o ka se kgone go bona selo, e no ba leswiswi kudu. Gomme lapa le lennyane le ile tlase nako ye nngwe, gomme—gomme mošemane yo monnyane o be a sepela le mohlahli, gomme mohlahli o ile godimo, gateetee, gomme a no khupetša seetsa, gomme mosetsana yo monnyane a thoma go golela. O be a tšhogile.

¹⁸⁵ Seo se swana le Monyalwa yo monnyane bjale, yo a swanetšego go tšea go ema ga Gagwe. Go bonala leswiswi. Khansele ya Dikereke e ya go go lahlela ka go selo sela, goba o ya go swanela go tšea go ema le go tšwela ntle. O swanetše go bonagatša semelo sa gago. O ya go dira eng ka nako ye?

¹⁸⁶ Go ya go direga eng ge o sa kgone go reka goba go rekiša, ge ba na le yunione ya kereke? Bjale le re, “Ge seo se direga?” Aowa, aowa, go pekenya go tšere seswantšho sa gago nako yeo. Semelo sa gago se šetše se go boditše. O šetše o le ka go sona. Le a bona? O tseba se Beibele e se boletšego ka seo. “Ba tla tla, ba re, ‘Ee, Morena, re tla ka gare bjale,’ eupša go thari kudu, mojako o tswaletšwe.” Le a bona?

Go ya go direga eng go Monyalwa yo monnyane?

¹⁸⁷ Ke nagana ka yona, ka go kanegelo ye nnyane ye. Le a tseba, ge mosetsana yo monnyane yola a be a goelela, a tabogela godimo le fase, ka gare ga mantladima, a nyakile go mo tšoša go iša lehung, ge a bone se se diregilego. Gomme ka go leswiswi lela la bošegogare, o ile a ripša gateetee. Mošemane yo monnyane o rile, o goeleditše, ka segalontšu sohle sa gagwe, o rile, “Se boife, kgaetšedi yo monnyane, re na le monna mo yo a ka kgonago go gotetša dietša.”

¹⁸⁸ O se boife, Kgaetšedi yo monnyane, re na le Monna mo Yo a ka kgonago go gotetša Seetša, le a bona, Ke mang a ka dirago Lentšu la Modimo go dira feela se Le swanetšego go se dira. Monna yola ke Jesu Kriste. A nke semelo sa gago se bonagatše le sa Gagwe.

A re rapeleng.

¹⁸⁹ Se boife, Kgaetšedi yo monnyane, re na le Monna mo yo a ka kgonago go gotetša Dietša. E ka ba kae o lego, e ka ba eng o bonego lefelo la gago morago ga sekglela se, ke tla tlogela leo le wena. Semelo sa gago sa bjale se tla go dira o ipone wenamong felotsoko go bapa le mothalo. Yeo, re ka be re ile diiri le diiri go yona. Na semelo sa gago sa bjale ke eng? Bjale a re rapeleng, gomme le rapele, le lena. Bjale elelwang, nka no se tsoge ka le bona gape, le ka no se tsoge la mpona gape, go fihla re kopana godimo kua. Bjale ka go seemo sa gago sa bjale; ga ke kgathale o mang. Ka go seemo sa gago sa bjale, ke ipea nnamong ka fale, le nna, na semelo sa ka se bonagatša eng ka morago ga sekglela se? Ke tsebagatšwa kae?

¹⁹⁰ Tate wa Legodimong, puruputša dipelo tša rena, ka go motsotso wo. Go tšea feela nakwana ya nako, phetogo. A nke monagano wa Kriste o tle ka go rena. Beibele e rile, “A nke monagano wo o bego o le ka go Kriste o be ka go lena.” Seo se fetola semelo sa rena. Gomme ka go theroye e khwamotšwego, ge nka e bitša yeo, morago ga sekglela se, feela tsela ya ka ya go kokobela ya go laetša batho se ke se dumelago, gore O tla re dira re tsebe. Modimo, a nke monagano wo o bego o le ka go Kriste o be ka go nna. Gomme ge e ka ba kae ke šitilwego go feleletša Lentšu la Gago ka “amene,” gomme morago ka le latela, gona, Morena, mphetole, ntire gape. Ke nna mohlanka wa Gago; ke nyaka go ba, Morena. Wena nthuše. Thuša yo mongwe le yo mongwe ka fa, Morena.

¹⁹¹ Gomme bjale ke ba neela go Wena. Ge go na le bao mo, Morena, ba ba bego ba le ka monaganong wa Gago pele ga motheo wa lefase, ka nnete se se ba phafositše. Ke a tshepa gore yo mongwe le yo mongwe wa bona o be a le. Gomme Kua, Tate, re tla tseba ge O etla gomme Puku ye kgolo ya bulwa, re tla kwešiša nako yeo. Gomme ge go na le ba bangwe bao ba fapogilego, ba arogilego Tseleng, ke a rapela, Modimo, gore lehono O tla ba tliša morago, ba tliše morago go Tsela yela ya toko le Bophelo. Re ka diatleng tša Gago, Morena, dira ka rena bjalo ka ge O bona go swanetše. Ke neela batheeletši ba go Wena, bjalo ka mefapahlogo ya kopano, Leineng la Jesu Kriste. Amene.

¹⁹² Bjale ga re na le nako ya pitšo ya aletara, eupša ke nyaka pitšo ya aletara go ba ka pelong ya gago. O tsebagatšwa kae, ka go seemo sa gago sa bjale?

¹⁹³ Bjale ka morago ga go rera ka mokgwa woo, ke ya go kgopela Moya wo Mokgethwa, ge A ka rata, go nthuša motsotso feela bjale, go fihla nka kgona go hwetša tlotšo go rapelela balwetši. Dilo tše tše ke di boletšego, a nke di be therešo, Modimo. Yeo, ke therešo.

¹⁹⁴ Bjale ge yo mongwe le yo mongwe a ka no boloka setulo sa gagwe le go ba tlhomphokgolo ka kgonthe feela nakwana, hle, kafao, le a bona, le go kgokagana le Yena. O thwi go se sengwe fa, gomme se sengwe se a sepela, se go lahlala ntle. Ke selo se sethata kudu. Go lebega o ka re, ge mosadi yo motee yola godimo kua ka-ka Sikara... E dirilwe nako ye nngwe. Jesu ga se a e bušeletša gape le gape.

¹⁹⁵ Eupša batho ba Amerika ba swanetše go thabišwa, le a tseba, yeo e—yeo e no ba tlhago ya rena. Re tla no... Bokaone re dule gae le go bogela thelebišene, boithabišo bjo bontši go feta bo lego ka kerekeng. Le a bona? Seo ke, le a bona, seo ke boithabišo. Seo ke se re se nyakago. Se tsene ka kerekeng. Modimo ga a go tloše bodutu. O no go tlišetša Lentšu la Gagwe. Le a bona?

¹⁹⁶ O boletše seo go mosadi yola, gomme ba ile ba swanelo go dumela lentšu la mmalegogwana yola bakeng sa yona. Eupša toropokgolo ka moka e be e le komana, le a bona, ba be ba le ka dikgopolong tša Modimo pele ga motheo wa lefase.

¹⁹⁷ Bjale a nke Modimo a e bušeletše gape morago ga sekgalela se, ke thapelo ya ka ya go kokobela. Go le tlogeleng, a nke A tlogele se le lena. Rapelang.

¹⁹⁸ Ke ba bakae ntle fale... Ga ke bone motho fale yoo ke mo tsebago. Bohle ba ba lego ka go lešaba le, gomme ga ke... mohlomongwe, ka kgonagalo dikarata tša thapelo di gohle lefelong. Eupša lena le dutšego ntle fale, bao le babjago goba le nago tlhoko, goba se sengwe, gomme le a tseba gore ga ke tsebe selo ka lena, phagamišetšang diatla tša lena godimo, feela mogohle le lego. Le a bona? E no ba yo mongwe le yo mongwe.

¹⁹⁹ A nke Morena a re thuše bjale ka go se. Bjale le se ke la šutha. Le se ke, hle, ga go yo motee a šuthago. Se ke—ke selo se segolo.

²⁰⁰ Bjale, ga go bohlokwa go nna go re, go leka go e hlalosa, ga go na tsela ya go e dira. Bjale, Beibele e rile, e lego Lentšu, gore, “Yena ke Moprista yo Mogolo yoo a kgonago go kgwathwa ke maikutlo a mabofokodi a rena.” A yeo ke nnete?

²⁰¹ Bjale dinako tše dingwe tumelo ga e tsebje go wena; o e hweditše, gomme ga o e tsebe. Ge o leka go ikgorometša wenamong ka go se sengwe, o a se foša, o ya ka godimo ga sona. Se kokobetše kudu le bonolo, le a bona. “Gomme Yena ke Moprista yo Mogolo yo a kgonago go kgwathwa ke mefokolo ya rena.” Gona, ge o Mo kgwathile, O tla dira boka A dirile pele. A yeo ke nnete? [Phuthego e re, “Amene.”—Mor.] Bjale šetšang.

²⁰² Le bona mosadi yo a dutšego thwi tlase fa? Ga ke tsebe soulo ye nnyane. O no dula fale, eupša ka mokgwa wo mongwe o kgokagane le Modimo. Gobane, ka sekgaong seo bjale ke lebeletšego ka go sona, ke bona mosadi, gomme o lemoga gore se sengwe se a kgatlampana. O rapelela bana ba gagwe ba ba sego mo. Yeo ke nnete. Ga ke mo tsebe. Ga se nke ka ke ka bona mosadi, eupša o be a tshwenyega ka go teba ka bana ba bangwe.

²⁰³ A o ntumela go ba mohlanka wa Gagwe? A o dumela seo, gore Jesu Kriste o fa, Moya wo Mokgethwa Yo... O a bona, ge re ka kgona go itloša tseleng renabeng! O a bona? Bjale go go fodiša, nka se kgone. O a bona? Goba, go go fa tlhologelo ya gago, nka se kgone. O a bona, seo se swanetše go tla ka Modimo, ‘ntle le ge A ka mpotša go go botša se sengwe. Bjale, eupša ge A ka nkutollela se e lego bothata ka ngwana yola, goba e ka ba eng e lego, o—o tla ntumela go ba mohlanka wa Gagwe? O tla dira.

²⁰⁴ Bjale batheeletši ka moka, ge le duma, mohumagadi o dutše thwi fa. A o ka emeleta? Bjale, Beibele e robetše mo pele ga ka, ga ke tsebe mosadi. Ga se ka ke ka tsoge ka mmona. Bjale, mo, go tla thwi morago Sikara bjale.

²⁰⁵ Hle, yo mongwe le yo mongwe eba le tlhomphokgolo. Le a bona? Ge o bona se sengwe... Le a bona, ke moya, o a sepela, o ntahlela kgole gape.

²⁰⁶ Ee, mohumagadi o na le bana ba bararo a ba rapedišago, gomme bohole boraro bja bona ba apešitše ke moriti. Ke gore, ga se bona Bakriste. Ga se ba phološwa. Yeo ke nnete. Yo mongwe wa bona ke mosetsana, gomme o ne sešo mo leotong la gagwe, godimo bogodimo. Yeo ke nnete, a ga se yona? O tee, se sengwe sa phošo ka mahlo a bona, yo mongwe wa bašemane. Yo mongwe o ne bothata bja pelo, gomme ke segatamoroko. Yeo ke therešo. A yeo ke tlhologelo ya gago? A ke se o se nyakago go tšwa go Modimo? [Kgaetšedi o re, “Amene.”—Mor.] Ka gona ke a kgopela, Leineng la Jesu, gore O go fa se tlhologelo ya gago e lego sona. O hloka—hloka e ka ba eng, e ka ba eng gape?

²⁰⁷ Mohumagadi šo, feela bjalo ka ge ke boletše seo, se mo gakantšitše. O dutše thwi morago fa. O tlaišega ka atheraithisi. Leina la gagwe ke Mohumagatšana Thomason; a ka se tsebe... Ee. Ke mosetsebje go wena. Ga se ka ke ka go bona ka bophelong bja ka, eupša yoo ke yo o lego. A o ntumela go ba mohlanka wa Gagwe, mohumagadi? A o dumela se ke se boletšego ke therešo, gomme se tšwa go Modimo? O tlaišega ka atheraithisi.

²⁰⁸ Yoo ke monnamogatša wa gago a dutšego fale hleng le wena. O a tlaišega, le yena. O na le se sengwe sa phošo ka go ditšika tša gagwe—tša gagwe, e bitšwa “go thatafala ga ditšikakgolo.” Yeo ke nnete. O ne se sengwe sa phošo ka maoto a gagwe, gape. Yeo ke nnete. Gomme, ka gona, o leka go tlogela go nwa. O nyaka go e dira. O segatamoroko, eupša o leka go tlogela go nwa. A o ntumela go ba mohlanka wa Gagwe? A o tla nkamogela bjalo ka mohlanka wa Modimo? Gona ke go lokolla go tšwa go seo, Leineng la Jesu Kriste. A o a dumela, mohlomphegi? Neela pelo ya gago go Kriste, bona badiredi ka kolobetšo, gomme selo se godimo go wena. O no dumela.

²⁰⁹ A o a dumela? “Ge o ka kgona go dumela!” O na le se sengwe sa phošo ka lehlakoreng la gago, a ga o naso, hani? Ge o ka dumela ka pelo ya gago yohle, Modimo o tla e fodiša.

²¹⁰ O dutše fale, go latela, o na le bolwetši bja swikiri. A o a dumela gore Modimo o tla go fodiša bolwetši bja swikiri, le go go dira o fole?

²¹¹ Bothata bja pelo; o a dumela Modimo o tla fodiša bothata bja pelo? Go lokile, mohlomphegi.

²¹² Gape, bothata bja pelo, go latela. A o a dumela Modimo o tla fodiša bothata bja pelo, go latela? Yeo ke nnete. O a dumela O tla dira seo? Uh-huh.

²¹³ Mohumagadi yo mogolo yo a dutšego fa. Metsotso e se mekao ya go feta, ge ke be ke rera, go tla fase ka go itsebiša ka bowena, o lebeletše thwi go otlologa go leba go nna. O fodišitšwe nako yeo. O bile le bothata bja pshio. Ge yeo e le nnete, emelela ka maoto a gago. Le a bona? Gabotse, o rata... A e be e se maikutlo a go tlaba a etla go wena ge ke boletše seo mabapi le go itsebiša wenamong? Gomme o bile le maikutlo a go se tlwaelege ka kgonthe, o lebeletše thwi go nna. Moo ke ge e direga. Eya gae bjale, o gabotse. E no dumela Modimo, yeo ke phetho.

Le a bona, Lentšu le dirwa go bonagala.

²¹⁴ Le swere mohemo wa gago, mohlomphegi. A o a dumela gore Modimo a ka kgona go go fodiša bothata bjoo bja pelo, a go dira o loke? Monna ka moriri wo mopududu, moisa wa go lebega botse a dutšego fale, a o a dumela Modimo o tla fodiša bothata bja pelo? O a dira. Mosadimogatša wa gago o dutše fale bjale. A o a dumela nka go botša se e lego phošo ka mosadimogatša wa gago, ka thušo ya Modimo? A o a dumela gore Modimo a ka mpotša se e lego phošo ka yena? Ke go hloka madi, seemo sa madi. Yeo ke

nnete. A o a dumela Modimo o tla le dira bobedi le fole bjale? O a dira? O a e amogela?

²¹⁵ Bjale mohumagadi a dutšego kgauswi le yena. O bona seo se eya tlase fale? Mohumagadi yola o ne se sengwe sa phošo ka mokokotlo wa gagwe. A o a dumela Modimo o tla fodiša bothata bja mokokotlo, mohumagadi, le go go dira o fole?

²¹⁶ Monna kgauswi le wena o na le atheraithisi. A o a dumela gore Modimo o tla go fodiša atheraithisi, mohlomphegi? O a e amogela? O a dira? O išitše seatla sa gago godimo. Go lokile.

²¹⁷ Go reng ka mohumagadi yola yo monnyane a dutšego fale a lebeletšego thwi go nna, thwi kgauswi le wena? Ee, o rapediša mmagwe. Mme ka sepetlele, ka tshwaetšo. Yeo ke nnete.

²¹⁸ O beile seatla sa gago godimo, thwi kgauswi le yena, kgaetšedi. E be e se mme yo o bego o mo rapediša. Mohumagadi *yo* o rapediša mmagwe ka sepetlele. Gomme, eupša, wena, papago, o na le kankere, gomme o a mo rapediša. Yeo ke nnete. Le a bona?

²¹⁹ Mohumagadi wa go latela o na le bothata bja leswafo. A o a dumela Modimo o tla fodiša bothata bja leswafo?

²²⁰ Bjale, le a bona, e sa tšo nkhwetša kafao ke nno foufala, go nyakile, go bona e ka ba batho ba masomepedi goba masometharo go kgabaganya fale.

²²¹ Eng, o tsebagatšwa kae bjale? A o tsebagaditšwe ka go re, “Ke nna modumedi. Ke dumela Modimo. Goba, ke a dumela gore yo ke Yena”? A le tseba-... Goba, le—le tsebagatšwa le Lentšu lela, le re, “Modimo o Le tshepišitše. Se Jesu a se dirilego nako yela, O se dirile gape lehono. Gomme ke a dumela gore re phela ka matšatšing a Sodoma, gomme feela pele ga tshenyo ya lefase. Gomme Jesu o tshepišitše gore O tla iponagatša ka Boyena gape go no swana le ge A dirile ka Sodoma, go swana le ge A be a dira fale, gomme boka A dira bjale.” A le a e dumela? [Phuthego e re, “Amene.”—Mor.]

²²² Gona, lena bohole bao le nago dikarata tša thapelo, ka go mothaladi o tee *wo* fa, karolo ye mo, e eme godimo go itshama ka leboto, ka tsela *yela*. Eya thwi ka ntle ga lefelo la gago, ema godimo kgahlanong le leboto, gohle ka lehlakoreng *le*.

²²³ Bjale a nke bao ba lego ka karolong *ye* ba ba nago le dikarata tša thapelo, karolo ya gare, ba eme godimo ka mokgobeng *wo*, ema ntle ka tsela *ye*. O se ke, o se ke wa sepelela godimo bjale, le a bona, ema thwi ka mokgobeng. Le a bona, eya gabotse...

²²⁴ Bjale emang. Ke nyaka le, lešaba le godimo ka lehlakoreng *le*, go ema ka tsela *ye*, lebelelang, tepogelang ka tsela *ye*. Ke nyaka lešaba *le* go ya go dikologa ka tsela *ye*; go ya morago go kgabola mokgoba, go ya morago ka tsela *yela*, go tla go dikologa gomme le ikopanye lenabeng godimo *mo*.

²²⁵ Bjale bohole ba ba lego ka lehlakoreng le lengwe le, ba ba nago le dikarata tša thapelo, emang godimo ka mokgobeng *wo*, ka tsela ye. Yeo ke nnene. Etlang ntle *fa*, gomme le ye morago go leba morago, gomme le tšoene ka morago ga ba.

²²⁶ Bjale e ba gore le ya go bona go phuhlama mo go feletšego goba le ya go bona Letago la Modimo. Bjale o tsebagatšwa kae lehono, le modumedi, goba o swanetše go thabišwa, goba a o ya go dumela Modimo? Ba bangwe ba bona ka nakong ya Beibele, bjalo ka moriti wa Mokgethwa Petro, morei wa dihlapi yo a bego a sa kgone go saena leina la gagwe, moriti wa monna yola, wo o laeditšego leswao la go swana le le bonego mo lehono, o fetile godimo ga batho gomme ba fodišitšwe. Ke ba bakae ba tsebago seo ke therešo? [Phuthego e re, “Amene.”—Mor.]

²²⁷ Bjale, baena, ga se la tlogelwa ntle. Ge ba mo, ka mokgwa woo, le a bona, e tla dira seo go tla. Gomme e no emang mo. [Ngwaneshu Branham o retologile gomme a bolela le badiredi. Ga go selo lefelong la theipi—Mor.]

²²⁸ Ge go na le modiša fa yoo a dumelago go rapeleleng balwetši, ga ke nyake go le tlogela batho le nagana, (nna ke eme godimo fa bjalo ka moebangedi le—le ka mpho ya tlhatho, le go ya pele ka mokgwa woo, le iri ya seprofeto ye re phelago ka go yona), go le dira le nagane gore modiša wa lena ga a no ba bontši bjalo ka e ka ba mang gape. Ke mohlanka wa Kriste, ka maatlataolo a go swana ao ke nago le wona goba e ka ba mang gape a nago. Maatlataolo a rena ke Jesu Kriste. Gomme ke ya go ba le bona ba tle tlase fa le go rapela le nna ge re sa rapela.

²²⁹ Bjale, modiša yo mongwe le yo mongwe ka fa yoo a dumelago go phodišo Kgethwa gomme a nyaka go ema le rena fa, a o ka tla le go dira, tšea go ema ga gago le nna mo ge ke rapelela balwetši, e ka ba mang wa lena badiša yoo a nyakago go tla. Sehlopha se sa badiša, badiša ba thekgago ka mašeleng, ke ba kgopetše fale; o rile, “Ga e dire phapano se modiša a lego, ke kereke efe a lego wa yona.” Ge o le Mopresbyterian, Molutheran, goba moprista wa Katoliki, etla mo gomme o eme le rena ge o dumela Molaetša wa Kriste, gore o dumela go phodišo Kgethwa. Etla mo gomme o bee diatla tša gago godimo ga bona. Ka nnene o ka se ke—o ka se ke wa arogana, bjalo ka mohlanka wa Kriste, o ka se ikaroganye wenamong go tloga go ya gago... go tloga go batho, ga go kgathale ge eba e be e le ba ntlosebo ya gago—ya gago—ya gago goba aowa, goba pheriši ya gago. O ka se ikaroganye wenamong go tloga go bona. O tla dumela. Bjale o amogetšwe go tla fa le go thušana le nna, go bea diatla godimo ga batho ba babjago, gore ba ke ba fodišwe.

²³⁰ Go lokile, ke a nagana methalo e kgauswi le go ba komana go thoma. Ke nyaka diašara bjale go hwetša mafelo a bona, gore ba kgone go thuša le batho.

²³¹ Bjale, gore re se . . . yo mongwe le yo mongwe o tla kwešiša, bjale theetšang sekgauswi ka kgonthe. A le kgona go kwa? E reng, “Amene.” [Phuthego e re, “Amene.”—Mor.] E boleleng gape. [“Amene.”] Lebelelang, ke ya go le fa . . .

²³² Bjale, nka se kgone go tsea motho yo mongwe le yo mongwe, go ema kua le go rapela le bona, le go ba le tlhatho. Ke tla ya e ka ba tlhano goba tshela gape, gomme ba tla be ba ntsea go tloga moagong. Le tseba seo.

²³³ Jesu, mosadi o Mo kgwathile, gomme O retologile go dikologa le go mmotša se bothata bja gagwe bo bego bo le, le tšohle ka bjona. Gomme O rile, “*Bokwala* bo tšwetše ka ntle ga Ka,” *maatla*; motho yo motee. Gomme yoo e be e le Modimo, a bonagaditšwe nameng.

²³⁴ Ye e no ba mpho ye nnyane, le a bona, go bonagatša Yena, mpho ye e tshepišitšwego ya letšatši. Hlokomela, mogwera.

²³⁵ Petro, nako ye nngwe, o bileditšwe go lefelotiragalo moo go bego go le mosadi a hwile, ka leina la Dorokase. Lena bohole le a e elelwa, e reng, “Amene.” [Phuthego e re, “Amene.”—Mor.] Gomme o ile godimo le go khunama fase, le go rapela. Morago . . . Theetšang bjale, lena batho ka mothalong wa thapelo. Ka morago ga ge a rapetše, o ile godimo le go bea diatla godimo ga Dorokase, gomme o tlide bophelong. A yeo ke nnete? [“Amene.”]

²³⁶ Bjale, baena, ke nyaka lena le phuthego ye go tšoena ka gare le nna. Lebelelang fa, go emeng fa, e ka ba batho ba makgolotlhano, goba mohlomongwe bontši, ba eme fa, morago ga sekgalela se, go rapelelwa. Bjale a re rapeleng thapelo ya tumelo, yo mongwe le yo mongwe wa rena. Gomme ka gona ge batho ba etla kgauswi, ge o bea diatla tša gago godimo ga bona, di bee godimo fale, ka tumelo, gore go ya go direga. Ke ya go dumela. Ke nna, ke, ka pelo ya ka yohle, ke ya go dumela.

²³⁷ Tate wa rena wa Legodimong, bjale matšhe wo mogolo o tla thoma go kgabola fa. Makgolo a batho ba tla feta go kgabola, le ka tlase ga diatla tša badiredi ba. A nke ba lemoge, Morena, gore ba no feta ka tlase ga Sefapano. Ba feta ka tlase ga . . . moo Madi a tšhologilego go dira se, se re se dirago, go ba kgonthe. Ka gore, Yo a lekeletšego Sefapanong, o rile, “Maswao a tla latela bona ba ba dumelago. Ge ba bea diatla tša bona go balwetši, ba tla welwa ke maruru.” Gomme a nke batho ba e amogele.

²³⁸ O tshepišitše O tla phološa mang kapa mang “a ratago.” O ka se kgone go phološa lefase, gobane mang kapa mang “a ratago” a ka se Go dumele. O ile ka toropongkgolo, mediro ye mentši ye megolo o be o ka se kgone go e dira, ka baka la gosedumele.

²³⁹ Ebile O ka se kgone go thuša motho yo motee yo a tlago go kgabola mothalo wo, ntle le ge ka go rata, go tšwa botebong bja pelo ya bona, go itsebagatša bonabeng le badumedi le Lentšu la Modimo, gore selo se fedile. A nke boitsebišo bjo bogolo bjo bo tle bjale, gore ge yo mongwe le yo mongwe wa batho ba a feta

ka tlase ga diatla tša badiredi ba, a nke Moya wo Mokgethwa o bee ka pelong tša bona gore ba dirile taletšo ya Modimo, gomme a nke ba ye ntle ga fa ba hlalala, ba fodile, bakeng sa Mmušo wa Modimo. Re obamela Wena, Morena, ka go tiro ye, Leineng la Jesu Kriste. Amene.

²⁴⁰ Ke nyaka yo mongwe, Roy, etla fa ge o ka dira, gomme o opele *Dumela Feela*. Ke nyaka ka moka ga lena, dihlogo tša lena di inamišitšwe, gomme yo mongwe le yo mongwe a rapela.

²⁴¹ Bjale, ba ke bomme, botate, le bana, ba bannyane, masea a go babja, batho ba ba hwago ka kankere. Ge e be e le wena, o be o tla nyaka yo mongwe ka tlhokofalo. Gomme re nyaka seo ka tlhokofalo.

²⁴² Bjale, a re inamišeng dihlogo tša rena bjale. Ke ya go gatela fase mo magareng ga baena ba ka, go rapelela balwetši. [Ngwanešu Branham le badiredi ba Bea diatla go balwetši le go ba rapelela mo mothalong wa thapelo. Ga go selo go theipi—Mor.]

²⁴³ Le a tseba, e bile nako ya go makatša kudukudu ka kopanelong ye. Gomme ke lemogile se sengwe morago ga sekgalela se; ga ke tsebe ge eba le dirile goba aowa. Diphesente tše masomesenyane tša batho bale bao ba fodišitšwego, ba fodišitšwe pele ebole ba fihla moo ke bego ke le. Ba be ba goeletša le go goelela, le go fa Modimo tumišo pele ba fihla fale.

Bjale re ya go rapelela disakatuku tše.

²⁴⁴ Morena Jesu, re tseba gore ka Beibeleng, ba rile, “Ba tšere go tšwa mmeleng wa Mokgethwa Paulo.” E sego ka gobane o be a le Paulo, eupša ka gobane o be a le mohlanka wa Gago, Morena. O be a le moemedi wa Gago, gomme re a tseba gore ba bolela gore, “Bolwetši le malwetši a tlogile.” Batho ba bantši ga se ba kgone go tsenela kopano, gomme ba rometše sakatuku go ba emela. Modimo, a nke Morongwa wa Morena; O be a le Yena yoo a lebeletšego fase godimo ga Lewatle le Lehbedu gomme—gomme a le tšoša, gomme Israele e ile pele go tshepišo ya bona. E fe, Morena, gore se se tla swana. A nke disakatuku tše, di robetšego godimo ga balwetši, di fodiše balwetši. Bakeng sa Mmušo wa Modimo, ka Leina la Jesu, ke a e kgopela. Amene.

²⁴⁵ Bjale ke no nyaka go bolela lentšu goba a mabedi, go lena, gobane ka kgonthe ke a le thabela. Ke leboga badiredi ba bakaone ba, bohole go theoga mothalo; ba beile ka gare nako ya bona ya thušo, le se sengwe le se sengwe. Gomme mohlomongwe le ka no ba le naganne, baena, gore ge tlhatho e be e kgatlampana, le go ya pele, tlase fa, ke be ke sa tsebe se le bego le rapela ka sona, eupša Morena Jesu o nkeleditše go yona. Ke tseba se . . .

²⁴⁶ Se tshwenyege ka mama wa gago. O tla ba gabotse.

²⁴⁷ Gomme wena o dutšego *fale*, ka saenase le bothata bja sesadi. Ke e tsebile, gohle go bapa. O ya go e fenya. Se tshwenyege.

²⁴⁸ Le a bona, E be e le ka morago ga rena, go swana le ge A be a le mo ka pele, gomme O tseba tšohle ka yona. Le a bona? Bjale le tlide go kgabola mothalo wa thapelo, gomme Modimo wa go swana yo a tla ntlotšago pele ga tirelo, mo O dira sa go swana. Le a bona? Ke... Gomme O no swana maabane, lehono, le go ya go ile.

²⁴⁹ A le a Mo dumela? [Phuthego e re, "Amene."—Mor.] Oo, a ga A makatše? ["Amene."] A se ga se se sengwe? Ya.

²⁵⁰ Ke ba bakae ba tsebago pina ye: "TŠhegofatšo e be setlemi se se tlemago dipelo tša rena ka lerato la Bokriste"? A o ka re fa sekgonyo go seo, kgaetšedi? Ke—ke nyaka go e opela. Ga ke tsebe gobaneng, eupša a re nong go e opela. Emang ka tlhomphokgolo ka kgonthe pele ga Gagwe bjale gomme le opele, e opele mmogo bjale.

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya menagano ya leloko
E swana le yela ya Godimo.

Yeo ke motala.

Ge re arogana,

A re phagamišeng diatla tša rena.

Go re fa boholoko bja ka gare;
Eupša re sa no ba re tlemagane ka pelong,
Le go holofela go kopana gape.

A ga le rate seo?

Go fihla...

²⁵¹ Go *Fihla Re Kopana* bjale. Bohle ba rena mmogo, Go *Fihla Re Kopana Gape*. Bohle ba rena mmogo bjale:

Go fihla re kopana! go fihla re kopana!
Oo, go fihla re kopana maotong a Jesu;
Go fihla re kopana! go fihla re kopana!
Modimo a be le lena go fihla re kopana gape!

²⁵² A re inamišeng dihlogo tša rena bjale ka thapelo. Ke ya go kgopela modiša fa, ngwanešu, ge a ka tla godimo; gomme ge o na le e ka ba eng go bolela, ngwanešu, goba e ka ba eng o nyakago go e bolela, goba go phatlalatša batheeletši. Go fihla ke le bona gape, Modimo a be le lena. Nthapedišeng. Ke a Mo rata. Amene.



BOITSEBIŠO NST64-0216
(Identification)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, Febereware 16, 1964, ka Elliott Auditorium ka Tulare, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org